









唐清涼國師澄觀疏鈔  
唐方山長者李通玄論  
清私淑比丘道需纂要



大方廣佛華嚴經疏論纂要

卷一～卷四

釋慧津

敬題



# 倡印《大方廣佛華嚴經疏論纂要》序

《大方廣佛華嚴經》者，明一真之法界，示諸佛之果源，闡玄微之妙旨，顯無邊之宗趣。窮理盡性，徹果該因。冲融壯闊，浩瀚汪洋。語其廣大，則無所不包；語其精深，則無所不備。迥超情慮，離言絕思。統攝羣經，號之曰王。

此經稱根本法輪，非唯開漸之基，亦乃攝末之本。竺乾震旦，咸最尊尚。諸祖知識，遞相師承，皆博贍融通，深心體解。故能各以無礙辯，宏敷妙趣。法界宗旨，昭廓明朗矣！然世所盛行者，乃清涼國師澄觀之《大方廣佛華嚴經疏鈔》及棗柏長者李通玄之《大方廣佛華嚴經論》。《疏鈔》分章析句，窮源極委。《論》則廣論佛意，會歸自心。堪稱

雙美，皆修證之極軌。及至清代，繼有道霈大師擷取二者之精要，合註本經，輯為《大方廣佛華嚴經疏論纂要》一書。紹續清涼、棗柏之心傳，開演毘盧遮那之妙諦。直探法性，博深精微。實乃修學《華嚴》大圓滿法之良導。

逢此宣講《華嚴》教海之際，特將此《疏論纂要》重新予以編排、校對，恭印流通。普願一切有情：同登華藏玄門，共入毘盧性海！

佛曆二五四一年（西元一九九七年）

西元一九九七年元月

高雄文殊講堂 釋慧律 謹序

# 大周新譯《大方廣佛華嚴經》序

天冊金輪聖神皇帝製

蓋聞：造化權輿之首，天道未分。龜龍繫象之初，人文始著。雖萬八千歲，同臨有截之區。七十二君，詎識無邊之義？由是人迷四忍，輪迴於六趣之中。家纏五蓋，沒溺於三塗之下。

及夫鷲巖西峙，象駕東驅。慧日法王，超四大而高視。中天調御，越十地以居尊。包括鐵圍，延促沙劫。其為體也，則不生不滅。其為相也，則無去無來。念處正勤，三十七品為其行。慈悲喜捨，四無量法運其心。方便之力難思，圓對之機多緒。混太空而為量，豈算數之能窮？入纖芥之微區，匪名言之可述。無得而稱者，其唯大覺歟！

朕曩劫植因，叨承佛記。金仙降旨，《大雲》之偈先彰；玉宸披祥，《寶雨》之文後及。加以積善餘慶，俯集微躬。遂得地平天成，河清海晏。殊禎絕瑞，既日至而月書；貝牒靈文，亦時臻而歲洽。逾海越漠，獻琛之禮備焉。架險航深，重譯之辭罄矣！

《大方廣佛華嚴經》者，斯乃諸佛之密藏，如來之性海。視之者，莫識其指歸；挹之者，罕測其涯際。有學、無學，志絕窺覦。二乘、三乘，寧希聽受？最勝種智，莊嚴之迹既隆；普賢文殊，願行之因斯滿。一句之內，包法界之無邊。一毫之中，置剝土而非隘。摩竭陀國，肇興妙會之緣。普光法堂，爰敷寂滅之理。

緬惟奧義，譯在晉朝。時逾六代，年將四百。然一部之典，纔獲三萬餘言。唯啟半珠，未窺全寶。

朕聞其梵本，先在于闐國中，遣使奉迎，近方至此。既覩百千之妙

頌，乃披十萬之正文。粵以證聖元年，歲次乙未，月旅洁洗，朔惟戊申。以其十四日辛酉，於大遍空寺，親受筆削，敬譯斯經。遂得甘露流津，預夢庚申之夕；膏雨灑潤，後覃壬戌之辰。式開實相之門，還符一味之澤。

以聖曆二年，歲次己亥，十月壬午，朔八日己丑，繕寫畢功。添性海之波瀾，廓法界之疆域。大乘頓教，普被於無窮。方廣真筌，遐該於有識。豈謂：後五百歲，忽奉金口之言；娑婆境中，俄啟珠函之秘！所冀：闡揚沙界，宣暢塵區。並兩曜而長懸，彌十方而永布。

一窺寶偈，慶溢心靈。三復幽宗，喜盈身意。雖則無說無示，理符不二之門。然因言顯言，方闡大千之義。輒申鄙作，爰題序云。

# 大方廣佛華嚴經疏論纂要（上冊） 目錄

倡印《大方廣佛華嚴經疏論纂要》序	一
大周新譯《大方廣佛華嚴經》序	三
大方廣佛華嚴經疏論纂要（上冊）目錄	六
大方廣佛華嚴經疏論纂要（中冊）目錄	一〇
大方廣佛華嚴經疏論纂要（下冊）目錄	一三
佛像	一七
清涼觀國師像	一九
棗柏李長者像	二〇
卷首 《華嚴經疏論纂要》序	一
補刊《華嚴經疏論纂要》序	二
書刻《華嚴經疏論纂要》緣起	三
清涼國師傳	四
李長者傳	六

原目錄.....七

卷一

經前懸示.....一一

卷二

世主妙嚴品第一（經文卷一）疏論纂要之一.....三一

卷三

世主妙嚴品第一（經文卷一）疏論纂要之二.....四五

卷四

世主妙嚴品第一（經文卷一）疏論纂要之三.....五三

卷五

世主妙嚴品第一（經文卷一）疏論纂要之四.....六八

卷六

世主妙嚴品第一（經文卷一）疏論纂要之五.....八八

卷七

世主妙嚴品第一（經文卷二）疏論纂要之六.....一〇七

卷八

世主妙嚴品第一（經文卷三）疏論纂要之七.....一二九

卷九

世主妙嚴品第一（經文卷四）疏論纂要之八.....一五四

卷十

世主妙嚴品第一（經文卷五）疏論纂要之九.....一七九

卷十一

世主妙嚴品第一（經文卷五）疏論纂要之十.....一九六

卷十二

如來現相品第一（經文卷六）疏論纂要之一.....二二三

卷十三

如來現相品第二（經文卷六）疏論纂要之二.....二三七

卷十四

普賢三昧品第三（經文卷七）疏論纂要.....二五八

卷十五

世界成就品第四（經文卷七）疏論纂要.....二七七

卷十六	華藏世界品第五(經文卷八)疏論纂要之一	三〇八
卷十七	華藏世界品第五(經文卷九)疏論纂要之一	三四二
卷十八	華藏世界品第五(經文卷十)疏論纂要之三	三五五
卷十九	毗盧遮那品第六(經文卷十一)疏論纂要	三七二
卷二十	如來名號品第七(經文卷十二)疏論纂要	三九七
卷二十一	四聖諦品第八(經文卷十二)疏論纂要	四二九
卷二十二	光明覺品第九(經文卷十三)疏論纂要之一	四四二
卷二十三	光明覺品第九(經文卷十三)疏論纂要之二	四五七
卷二十四	菩薩問明品第十(經文卷十三)疏論纂要之一	四八一
卷二十五	菩薩問明品第十(經文卷十三)疏論纂要之二	五一〇
卷二十六	淨行品第十一(經文卷十四)疏論纂要	五四三
卷二十七	賢首品第十二(經文卷十四)疏論纂要之一	五六六
卷二十八	賢首品第十二(經文卷十五)疏論纂要之二	五九五
卷二十九	昇須彌山頂品第十三(經文卷十六)疏論纂要	六二二
卷三十	須彌頂上偈讚品第十四(經文卷十六)疏論纂要	六三三
卷三十一	十住品第十五(經文卷十六)疏論纂要之一	六五四

卷三十二	十住品第十五（經文卷十六）疏論纂要之一	六七一
卷三十三	梵行品第十六（經文卷十七）疏論纂要	六九四
卷三十四	初發心功德品第十七（經文卷十七）疏論纂要之一	七〇八
卷三十五	初發心功德品第十七（經文卷十七）疏論纂要之二	七二七
卷三十六	明法品第十八（經文卷十八）疏論纂要	七四七
卷三十七	昇夜摩天宮品第十九（經文卷十九）疏論纂要	七七七
卷三十八	夜摩天宮偈讚品第二十（經文卷十九）疏論纂要	七八二
卷三十九	夜摩天宮偈讚品第二十（經文卷十九）疏論纂要之餘	七九七
卷四十	十行品第二十一（經文卷十九）疏論纂要之一	八一〇
卷四十一	十行品第二十一（經文卷二十）疏論纂要之二	八三六
卷四十二	十行品第二十一（經文卷二十）疏論纂要之三	八四九
卷四十三	十無盡藏品第二十二（經文卷二十二）疏論纂要之一	八八三
卷四十四	十無盡藏品第二十二（經文卷二十二）疏論纂要之二	九〇五
卷四十五	昇兜率天宮品第二十三（經文卷二十二）疏論纂要之一	九一九
卷四十六	昇兜率天宮品第二十三（經文卷二十二）疏論纂要之二	九四一
	兜率宮中偈讚品第二十四（經文卷二十三）疏論纂要	九六一

# 大方廣佛華嚴經疏論纂要（中冊） 目錄

卷四十七	十迴向品第二十五（經文卷二十三）疏論纂要之一	九八五
卷四十八	十迴向品第二十五（經文卷二十四）疏論纂要之二	一〇一四
卷四十九	十迴向品第二十五（經文卷二十五）疏論纂要之三	一〇五〇
卷五十	十迴向品第二十五（經文卷二十五）疏論纂要之四	一〇七一
卷五十一	十迴向品第二十五（經文卷二十六）疏論纂要之五	一〇八六
卷五十二	十迴向品第二十五（經文卷二十七）疏論纂要之六	一一〇六
卷五十三	十迴向品第二十五（經文卷二十七）疏論纂要之七	一一二二
卷五十四	十迴向品第二十五（經文卷二十八）疏論纂要之八	一一三三
卷五十五	十迴向品第二十五（經文卷二十九）疏論纂要之九	一一六四
卷五十六	十迴向品第二十五（經文卷三十）疏論纂要之十	一一八六
卷五十七	十迴向品第二十五（經文卷三十一）疏論纂要之十一	一二〇九
卷五十八	十迴向品第二十五（經文卷三十二）疏論纂要之十二	一二三五
卷五十九	十迴向品第二十五（經文卷三十三）疏論纂要之十三	一二五四
卷六十	十地品第二十六（經文卷三十四）疏論纂要之一	一二七一

卷六十一	十地品第二十六(經文卷三十四)疏論纂要之二	一一九四
卷六十二	十地品第二十六(經文卷三十四)疏論纂要之三	一三三七
卷六十三	十地品第二十六(經文卷三十四)疏論纂要之四	一三五七
卷六十四	十地品第二十六(經文卷三十五)疏論纂要之五	一三八二
卷六十五	十地品第二十六(經文卷三十五)疏論纂要之六	一四一五
卷六十六	十地品第二十六(經文卷三十六)疏論纂要之七	一四五
卷六十七	十地品第二十六(經文卷三十六)疏論纂要之八	一四七九
卷六十八	十地品第二十六(經文卷三十七)疏論纂要之九	一五〇〇
卷六十九	十地品第二十六(經文卷三十七)疏論纂要之十	一五三〇
卷七十	十地品第二十六(經文卷三十八)疏論纂要之十一	一五七八
卷七十一	十地品第二十六(經文卷三十八)疏論纂要之十二	一六一二
卷七十二	十地品第二十六(經文卷三十八)疏論纂要之十三	一六三三
卷七十三	十地品第二十六(經文卷三十九)疏論纂要之十四	一六四八
卷七十四	十定品第二十七(經文卷四十一)疏論纂要之一	一六八九
卷七十五	十定品第二十七(經文卷四十二)疏論纂要之二	一七二九
卷七十六	十定品第二十七(經文卷四十三)疏論纂要之三	一七四八

卷七十七	十通品第二十八(經文卷四十四)疏論纂要.....	一七七七
卷七十八	十忍品第二十九(經文卷四十四)疏論纂要之一.....	一七九二
卷七十九	十忍品第二十九(經文卷四十四)疏論纂要之二.....	一八〇一
卷八十	阿僧祇品第三十(經文卷四十五)疏論纂要.....	一八二一
	壽量品第三十一(經文卷四十五)疏論纂要.....	一八三六
	諸菩薩住處品第三十二(經文卷四十五)疏論纂要.....	一八三八
卷八十一	佛不思議法品第三十三(經文卷四十六)疏論纂要之一.....	一八五一
卷八十二	佛不思議法品第三十三(經文卷四十七)疏論纂要之二.....	一八七三
卷八十三	如來十身相海品第三十四(經文卷四十八)疏論纂要.....	一八九〇
卷八十四	如來隨好光明功德品第三十五(經文卷四十八)疏論纂要.....	一九〇八
卷八十五	普賢行品第三十六(經文卷四十九)疏論纂要.....	一九二六

# 大方廣佛華嚴經疏論纂要(下冊) 目錄

卷八十六	如來出現品第三十七(經文卷五十)疏論纂要之一	一九四七
卷八十七	如來出現品第三十七(經文卷五十一)疏論纂要之二	一九八〇
卷八十八	如來出現品第三十七(經文卷五十二)疏論纂要之三	一〇〇七
卷八十九	如來出現品第三十七(經文卷五十二)疏論纂要之四	一〇二六
卷九十	離世間品第三十八(經文卷五十三)疏論纂要之一	一〇四九
卷九十一	離世間品第三十八(經文卷五十三)疏論纂要之二	一〇八〇
卷九十二	離世間品第三十八(經文卷五十五)疏論纂要之三	一一〇〇
卷九十三	離世間品第三十八(經文卷五十六)疏論纂要之四	一二一七
卷九十四	離世間品第三十八(經文卷五十七)疏論纂要之五	一二三八
卷九十五	離世間品第三十八(經文卷五十八)疏論纂要之六	一二六〇
卷九十六	離世間品第三十八(經文卷五十八)疏論纂要之七	一二七二
卷九十七	離世間品第三十八(經文卷五十九)疏論纂要之八	一二八六
卷九十八	入法界品第三十九(經文卷六十)疏論纂要之一	一三一三
卷九十九	入法界品第三十九(經文卷六十)疏論纂要之二	一三四〇

卷一百	入法界品第三十九(經文卷六十二)疏論纂要之三	一三六四
卷一百一	入法界品第三十九(經文卷六十二)疏論纂要之四	一三九五
卷一百二	入法界品第三十九(經文卷六十三)疏論纂要之五	一三四一
卷一百三	入法界品第三十九(經文卷六十四)疏論纂要之六	一三七〇
卷一百四	入法界品第三十九(經文卷六十五)疏論纂要之七	一三九三
卷一百五	入法界品第三十九(經文卷六十六、六十七)疏論纂要之八	一四二一
卷一百六	入法界品第三十九(經文卷六十七、六十八)疏論纂要之九	一四五五
卷一百七	入法界品第三十九(經文卷六十八、六十九)疏論纂要之十	一五〇〇
卷一百八	入法界品第三十九(經文卷七十)疏論纂要之十一	一五三一
卷一百九	入法界品第三十九(經文卷七十二)疏論纂要之十二	一五五一
卷一百十	入法界品第三十九(經文卷七十二、七十三)疏論纂要之十三	一五七五
卷一百十一	入法界品第三十九(經文卷七十四、七十五)疏論纂要之十四	一六一一
卷一百十二	入法界品第三十九(經文卷七十六)疏論纂要之十五	一六五一
卷一百十三	入法界品第三十九(經文卷七十七)疏論纂要之十六	一六八八
卷一百十四	入法界品第三十九(經文卷七十八)疏論纂要之十七	一七一七
卷一百十五	入法界品第三十九(經文卷七十八、七十九)疏論纂要之十八	一七三九

卷一百十六	入法界品第三十九(經文卷八十)疏論纂要之十九	一七五九
卷一百十七	普賢行願品(四十華嚴卷四十)別行疏鈔纂要之一	一七八七
卷一百十八	普賢行願品(四十華嚴卷四十)別行疏鈔纂要之二	一八〇二
卷一百十九	普賢行願品(四十華嚴卷四十)別行疏鈔纂要之三	一八二七
卷一百二十	普賢行願品(四十華嚴卷四十)別行疏鈔纂要之四	一八六二
卷末	大華嚴經略策	一八九三
	華嚴七處九會頌釋章序	一九一五
	新譯華嚴經七處九會頌釋章	一九一五
	心要法門	一九三八







願以此功德 莊嚴佛淨土  
上報四重恩 下濟三塗苦  
若有見聞者 悉發菩提心  
盡此一報身 同生極樂國

清涼觀國師像

乘願而來續佛慧命  
入法界海佩毘盧印  
東流聖教非師莫定  
雜華大經非師孰正  
疏之鈔之字字心鏡  
涌真法乳哺真法胤  
巍巍五頂草木皆香  
萬年堅冰毛骨清涼

私淑弟子道霈拜贊



桑柏李長者像

桑柏李長者像

生爲帝胄隱於方山

掀如來藏破祖師關

卽俗而真卽事而理

論法界經字字歸己

天女送供猛虎馱經

心境俱寂游雜華林

一念無生超賢越聖

當陽拈出毘盧正印

私淑弟子道霈拜贊



## 華嚴經疏論纂要序

大方廣佛華嚴經者。乃毗盧遮那世尊於菩提場始成正覺。七處九會。稱性頓演。如來果海。羣生性源。及因地六位菩薩修證之軌範也。夫說既稱性。則是恆常之說。所謂衆生說。國土說。三世一切說。處窮法界。時徹三際。旨趣宏深。言詮無盡。旣非海墨所能書。抑豈貝葉而可悉。但隨機見聞。廣略有異耳。按西域記。此經有三本。上本有十箇三千大千世界微塵數偈。一箇四天下微塵數品。中本有四十九萬八千八百偈。一千二百品。下本有十萬偈。四十八品。蓋摩訶衍藏是文殊師利與阿難海於鐵圍山間結集。此經收入龍宮。後龍樹菩薩入宮。見上中二本。非闍浮提人心力能持。遂記下本歸於人間。今傳來此方者。晉義熙十四年北天竺三藏佛度跋陀羅所譯六十卷。即支法領所請之本。三十四品八會。唐證聖元年于闐三藏實叉難陀所譯凡八十卷。皆是十萬偈之略。以譯未盡。故其具本言在遮拘槃國。然經雖未盡。義亦周圓。染指知味。存乎其人。其八十卷經。清涼國師有疏鈔。棗柏長者有論。世所盛行。疏鈔則窮源極委。章分句析。不唯是此經標準。實乃如來世尊一代時教之標準也。論則廣論佛意。會歸自心。不唯是此經闡奧。實乃宗門之間奧也。禪者喜讀論。而不知疏鈔之廣大精微。講者喜讀疏鈔。而不知論之直捷痛快。兩者皆失之也。道霈年二十五。始遇華嚴。如貧獲摩尼。饑餐玉餚。悲喜踊躍。無以云喻。昔人謂亡軀得其死所。竭思有其所歸。斯言不我欺也。遂矢志生生依經修證。自是涵泳經文。研窮疏論。餘三十年。粗知門戶次第。但疏論異旨。悟者難於和會。文言廣博。讀者憚擇妙慧。圓自性。普賢恆沙功德。願周法界。則毗盧是師。果辦一生。則善財爲友。於一毛端。頓周塵刹。參禮知

識於剎那際。徧窮劫海津濟羣生。仰報佛恩。少盡卑願云爾。今於經前先示大意。凡六段。使稍知梗概。然後臨文。則井然有序也。其智力有餘者。自當博閱疏論全書。此但撮其旨要耳。時康熙七年歲在戊申四月朔旦道霈書於聖箭堂。

補刊華嚴經疏論纂要序

蓋聞蔭法雲於真際。火宅晨涼。曜慧日於康衢。重昏夜曉。經之爲功也鉅矣。余於西來大旨。茫未有知。然曩時薄宦東邦。風塵勞攘。每思息轍田園。彷遠法師。結社東林。劉遺民。雷次宗。服膺請教故事。手一卷經。修清淨業。十有餘年。志焉未逮。自來閩嶠。更溢塵氛。歡喜煩惱。一切因緣。枝梧樛葛。然而手握牟尼一串。心證如來。或偶游蘭若之中。靜聆梵唄。便覺心目間。有白月虛秋。清風適夏。景象所謂投清珠於濁水。濁水不得不清。投佛想於凡心。凡心不得不佛者。非虛言也。鼓山了堂法師。心通正覺。力振頽綱。爲今日之道林慧遠。以華嚴經疏論纂要示余。余受而讀之。知摩訶衍藏。寶出龍宮。清涼國師爲之疏。棗柏長者爲之論。微顯闡幽。爲修證之極軌。而七處九會。三十六品之同異指歸。鈍根者恐未盡曉。故爲霖法師以其定慧著疏論纂要。直接清涼棗柏之心傳。暢衍毗盧遮那之妙諦。津梁後起。一片婆心。昔龍樹以此經爲閻浮提人心力能持。况疏之論之。又從而闡發之。眞能使身光徧照盡空法界。智光徧照眞俗重重法界矣。謂非先覺之傳燈。名山之鎮寶歟。惟是康熙初年。鋟板流傳。今百有餘歲。前乎此者護持未善。故其板殘缺頗多。而皮板之永通齋及經樓。又災於風。今之維新者。余所重葺也。了堂法師銳志中興。百廢俱舉。尤疚心於是經之缺而商於余。謂毗盧心印。慧命攸關。倘不補刊。心傳將絕。余惟人能宏道。法假人傳。師欲圓成勝果。護此寶藏。余敢不

益勵前修。襄茲善舉。計缺頁二千二百九十有五。缺字九十一萬八千有奇。亟屬法師敬付剏刪。始事於嘉慶丙寅孟夏。閱歲告成。寶相重圓。真光耀彩。佛力無邊。余非敢多以爲功也。然竊謂宅生者緣。緣離則廢。緣合則成。此舉微有補於佛門。雖浪裏蘋花。雪中鴻爪。亦不得謂之偶然事矣。其偶然者緣也。其非偶然者亦緣也。匪云外護。聊結小因。庶幾天池露滴。味合百川。華嶽塵封。高毋萬仞。遂余初志。普彼衆生。惺惺相惜。願大千世界人人無九惱十纏。覺覺皆通。願極樂國中處處少三毒八難云爾。潯陽熊官梅沐手謹序。

### 書刻華嚴經疏論纂要緣起

大材總弁依鼓山先師老和尚座下。忝與爲大師同門。而大師親承衣鉢。繼主法席。一坐十餘載。大闡宗猷。震動宇內。法緣浩浩。在處建立法幢。聞名覩相。攜幼扶老。皈禮恐後。不啻古佛再世。而大材尙作門外漢。慚愧孰甚。然而師友琢磨之功。日漸日深。實未嘗一旦敢忘所自。大師雖主持宗門。而平生游泳華嚴。棲心法界。觀其智願廣大。乃與毗盧文殊普賢及諸聖師。聲氣相同。臭味相似。無間然矣。故四十餘年以來。探討清涼疏鈔。研窮棗柏合論。焚膏繼晷。手不釋卷。剖大千經卷於一塵之內。收普眼法門於一字之中。七處九會。六相十玄。以及信解行證諸細大法門。莫不瀾翻於海口。涌現於毫端。恢恢焉有餘刃矣。然大士以利物爲懷。四依以弘經是務。慮疏論部帙重疊。後學難以受持。故十載以來。躬自秉筆。刪繁取要。直註本經。命名曰大方廣佛華嚴經疏論纂要焉。一句之下。直徹根源。一字之內。包含無盡。無剩文。無遺義。譬如鵝王擇乳。獅子咬人。眞法海之奇珍。成佛之寶券。自清涼棗柏相傳以來。將千有餘載。未有精微廣大直截痛快若此者也。吾師豈惟清涼棗柏之功臣。實乃毗盧文殊普賢之嫡胤也。故出現品云。此經珍寶不入一切餘衆。

生手。唯除如來法王真子。生如來家。種如來相諸善根者。佛子。若無此等佛之真子。如是法門不久散滅。何以故。一切二乘不聞此經。何況受持讀誦。書寫分別解說。唯諸菩薩乃能如是。信然哉。由是不揣綿力。首輸微貲。請先繕寫成書。然後募衆刊佈。以廣法施。蒙師不斬。慨然俞允。乃請王正先熊子偉二名士。精心贍錄。成茲勝舉。起手於康熙戊午夏六月。告竣於庚申夏六月。是役也。皆仗諸聖師慈廬之恩。與此大經冥護之力。永離障緣。頓成巨績。願迴茲功德。與法界凡有知識者。同遊華藏之門。繁興普賢之行。報莫報之洪恩。酬難酬之微志云爾。時康熙十九年歲在庚申臘月。如來成道日。閩富沙桂林菩薩戒弟子謝旌大材盥沐焚香拜題。

清涼國師傳

國師諱澄觀。字大休。會稽人。姓夏侯氏。生於開元戊寅。天寶七年出家。至肅宗二年丁酉受具。卽以十事自勵曰。體不捐沙門之表。心不違如來之制。坐不背法界之經。性不染情礙之境。足不履尼寺之塵。脇不觸居士之榻。目不視非儀之綵。舌不味過午之餚。手不釋圓明之珠。宿不離衣鉢之側。從牛頭忠徑山欽問西來宗旨。授華嚴圓教於京都詵禪師。至大曆三年。代宗詔入內。與大辯正三藏譯經爲潤文大德。旣而辭入五臺大華嚴寺。覃思華嚴。至建中四年。下筆著疏。先求瑞應。一夕。夢金容當陽山峙。光相顥顥。因以手捧旣覺而喜。以謂獲光明徧照之徵。自是落筆無停思。乃以信解行證分華嚴爲四科。理無不包。師每慨舊疏未盡經旨。唯賢首國師頗涉淵源。遂宗承之製疏。凡歷四年而文成。爲四十卷。又夢身爲龍矯首南臺尾蟠北臺。宛轉凌虛。鱗鬱耀日。須臾於青冥變百千蜿蜒分散四方而去。識者以爲流通之象也。初爲衆講之。感景雲。

凝停講堂庭前之空中。後又爲僧叡等著隨疏演義四十卷。隨文手鏡一百卷。丙子十二年。宣河東節度使禮部尚書李訢備禮迎法師澄觀入京。師至。有旨命同罽賓三藏般若翻譯烏荼國所進華嚴後分入不思議解脫境界。普賢行願品梵筭。帝親預譯場。一日不至。卽差僧寂光依僧說欲云。皇帝國事因緣。與欲清淨。師承睿旨。翻宣旣就。成四十卷。復命製疏解釋。後又略其廣疏。釋末後普賢十大願一卷別行。謂之別行疏。帝天縱聖明。一覽玄論。廓然自得。於是敕有司備禮鑄印。遷國師。統天下縉徒。號僧統清涼國師。開成三年三月六日。將示寂。謂其徒海岸等曰。吾聞偶運無功。先聖悼歎。復質無行。古人恥之。無昭穆動靜。無綸緒往復。勿穿鑿異端。勿順非辯僞。勿迷陷邪心。勿固牢鬪諍。大明不能破長夜之昏。慈母不能保身後之子。當取信於佛。無取信於人。眞理玄微。非言說所顯。要以深心體解。朗然現前。對境無心。逢緣不動。則不孤我矣。言訖而逝。師生歷九朝盛世。爲七帝門師。春秋一百有二。僧臘八十有八。身長九尺四寸。垂手過膝。口四十齒。目光夜發。晝視不瞬。才供一筆。聲韻如鐘。文宗以祖聖崇拜。特輶朝三日。臣民縗素。奉全身塔於終南山。未幾有梵僧到闕。表稱於葱嶺見二使者凌空而過。以咒止而問之。答曰。北印度文殊堂神也。東取華嚴菩薩大牙歸國供養。有旨啓塔。果失一牙。唯三十九存焉。遂闔維舍利光明瑩潤。舌如紅蓮色。賜謚仍號清涼國師妙覺之塔。相國裴休奉敕撰碑。文宗皇帝敕寫國師真奉安大興唐寺供養。御製讚曰。朕觀法界。曠闊無垠。應緣成事。尤用虛根。清涼國師。體象啓門。奄有法界。我祖聿尊。教融海嶽。恩廓乾坤。首相二疏。拔擢幽昏。間氣斯來。拱承佛日。四海光凝。九州慶溢。敞金仙門。奪古賢席。大手名曹。橫經請益。仰師鴻休。保余遐曆。爰抒顓毫。式揚茂實。真空罔盡。機就而駕。白月虛秋。清風適夏。妙有不遷。緣息而化。邈爾禹儀。煥乎精舍。

李長者傳

長者諱通玄。出唐宗室。不涉世緣。清淨自居。以華嚴爲業。身長七尺二寸。疎眉秀目。修髯美茂。首冠樺皮之冠。麻衣博袖。跣足而行。開元二十七年曳杖荷笈。至於太原。村名大賢。有高山奴者。尙德慕義。長者逕詣其門。山奴諦瞻神儀。罄折禮接。每日惟食棗十顆。柏葉餅如七大者一枚。掩室獨處。棲心法界。如是者三稔。復至馬氏古佛堂。端居十年。一日囊挈經書。遡道而去。行數里。路逢一虎。當塗馴伏。如有所待。長者語之曰。吾將著論釋華嚴經。可與擇一棲止處。遂將經囊挂於虎背。隨其所止。於是虎望神福山原。直入三十餘里。於一土龕前。便自蹲住。長者旋收經囊。置於龕內。虎乃屢顧。妥尾而去。其龕瑩潔廣袤丈餘。龕四旁舊無泉澗。長者始來之夕。風雷暴作。拔去一古松。松根之下。涌出一泉甚深。清冽甘美。時人號爲長者泉。長者著論。每夕口出白光。以代燈燭。有二天女常爲長者汲水焚香。供給紙筆。卯辰之際。供諸淨饌。歷於五年。著論已終。遂爾絕迹。忽一日出山訪舊止之里。適值鄉人聚族合樂。長者徧語之曰。汝等好住。吾將欲歸。衆乃罷樂。驚惶相顧。咸皆惻愴。堅請留止。長者曰。借滿百年。亦當歸去耳。於是衆送長者入山。旋踵之頃。嵐霧四起。景物不分。衆皆驚愕。翌日結伴登山。長者已坐化龕中矣。時當春三月二十有八日。耆舊潛注鑒荷。擇地於大山之陰。奉藏全身。累石爲墳。卽今方山逝多蘭若是也。至大曆九年。有僧廣超遊蘭若中。獲長者所著華嚴論四十卷。十二緣生解。顯智成悲。十明論一卷。復有論會釋七卷。傳寫顯揚。徧於并汾。廣超門人道光能繼師志。肩負二論。遊於燕趙。昭示淮泗。凡後代南北學人。悉得參詳論文。宗承長者。優入華藏者。超光二比丘之功也。未幾。閩福州開元寺沙門志寧。以經論各帙。讀者難爲和會。乃特稽首諸佛毗盧遮那。一切聖賢願。

垂加護。從第八卷入經。分別經文。將論合於每節之下。使讀者開經見論。謂之合論。共成一百二十卷。世所盛行。皆此本也。宋覺範德洪禪師贊曰。鬚眉如畫頑而美。風神如秋氣奇偉。平生歸宿東北方。長勞動中寂而止。翛然跣足散衣行。智智用中不乖體。帝王家生得自在。壽量不書絕終始。虎受使令心境空。女爲伴助憎愛棄。冠巾傳心卽俗眞。方隅示法卽事理。只將棗柏薦齋鉢。我來闍浮非著味。自然光明生齒牙。我談辭章皆實義。佛子授汝以顯訣。一言便足超十地。隨順無明起諸有。若不隨順諸有離。聖賢酪生凡乳中。只由觀照戒定慧。是謂大士同體悲。令我頓入一切智。作大佛事徧塵刹。華藏界中容頓轡。以空爲座禮十身。以願爲舌說千偈。如以花說無邊春。如以滴說大海味。稽首世間妙蓮華。願常清淨出泥滓。

### 大方廣佛華嚴經疏論纂要目錄

- |      |           |  |      |           |    |
|------|-----------|--|------|-----------|----|
| 第一卷  | 懸示        | 圓此下原注云序二篇道需序二紙謝旌緣<br>起二紙案卷首尙有清涼國師及李長者傳 | 第二卷  |           |    |
| 第三卷  | 世主妙嚴品疏論纂要 | 之二                                     | 第四卷  | 世主妙嚴品疏論纂要 | 之一 |
| 第五卷  | 世主妙嚴品疏論纂要 | 之四                                     | 第六卷  | 世主妙嚴品疏論纂要 | 之三 |
| 第七卷  | 世主妙嚴品疏論纂要 | 之六                                     | 第八卷  | 世主妙嚴品疏論纂要 | 之五 |
| 第九卷  | 世主妙嚴品疏論纂要 | 之八                                     | 第十卷  | 世主妙嚴品疏論纂要 | 之七 |
| 第十一卷 | 世主妙嚴品疏論纂要 | 之十                                     | 第十二卷 | 世主妙嚴品疏論纂要 | 之九 |
| 第十三卷 | 如來現相品疏論纂要 | 之訖                                     | 第十四卷 | 如來現相品疏論纂要 | 之一 |
| 第十五卷 | 世界成就品疏論纂要 |  | 第十六卷 | 華藏世界品疏論纂要 | 之一 |

第十七卷	華藏世界品疏論纂要之二
第十九卷	毗盧遮那品疏論纂要
第二十一卷	四聖諦品疏論纂要
第二十三卷	光明覺品疏論纂要
第二十五卷	菩薩問明品疏論纂要訖之二
第二十七卷	菩薩問明品疏論纂要訖之二
第二十九卷	賢首品疏論纂要之一
第三十一卷	十住品疏論纂要之一
第三十三卷	梵行品疏論纂要
第三十五卷	初發心功德品疏論纂要訖之二
第三十七卷	升夜摩天宮品疏論纂要訖之餘
第三十八卷	夜摩天宮偈讚品疏論纂要
第四十卷	十行品疏論纂要之二
第四十二卷	十無盡藏品疏論纂要之一
第四十四卷	升兜率天宮品疏論纂要之一
第四十六卷	兜率宮中偈讚品疏論纂要
第十八卷	華藏世界品疏論纂要之三
第二十卷	如來名號品疏論纂要
第二十二卷	光明覺品疏論纂要之二
第二十四卷	菩薩問明品疏論纂要之二
第二十六卷	淨行品疏論纂要
第二十八卷	賢首品疏論纂要訖之二
第三十卷	須彌頂上偈讚品疏論纂要
第三十二卷	十住品疏論纂要訖之二
第三十四卷	初發心功德品疏論纂要之二
第三十六卷	明法品疏論纂要
第三十九卷	十行品疏論纂要之一
第四十一卷	十行品疏論纂要之三
第四十三卷	十無盡藏品疏論纂要訖之二
第四十五卷	升兜率天宮品疏論纂要訖之二
第四十七卷	十迴向品疏論纂要之一

第四十八卷	十迴向品疏論纂要二之二十
第五十卷	十迴向品疏論纂要四之四
第五十二卷	十迴向品疏論纂要四之四
第五十四卷	十迴向品疏論纂要六之八
第五十六卷	十迴向品疏論纂要六之八
第五十八卷	十迴向品疏論纂要十之十
第六十卷	十迴向品疏論纂要二之二十
第六十二卷	十地品疏論纂要一之三
第六十四卷	十地品疏論纂要三之三
第六十六卷	十地品疏論纂要五之五
第六十八卷	十地品疏論纂要七之七
第七十卷	十地品疏論纂要九之十
第七十二卷	十地品疏論纂要九之十
第七十四卷	十定品疏論纂要一之三
第七十六卷	十定品疏論纂要三之三
第七十八卷	十忍品疏論纂要一之三
第七十九卷	十忍品疏論纂要一之三

第四十九卷	十迴向品疏論纂要三之三
第五十一卷	十迴向品疏論纂要五之五
第五十三卷	十迴向品疏論纂要七之七
第五十五卷	十迴向品疏論纂要九之九
第五十七卷	十迴向品疏論纂要一之十
第五十九卷	十地品疏論纂要三之三
第六十一卷	十地品疏論纂要二之二
第六十三卷	十地品疏論纂要四之四
第六十五卷	十地品疏論纂要六之六
第六十七卷	十地品疏論纂要八之八
第六十九卷	十地品疏論纂要十之十
第七十一卷	十地品疏論纂要二之二
第七十三卷	十地品疏論纂要四之四
第七十五卷	十定品疏論纂要二之二
第七十七卷	十通品疏論纂要二之二
第七十九卷	十忍品疏論纂要一之三

第八十卷 阿僧祇品疏論纂要 壽量品疏論纂要 諸菩薩住處品疏論纂要

第八十一卷 佛不思議法品疏論纂要之一

第八十二卷 佛不思議法品疏論纂要之二

第八十三卷 如來十身相海品疏論纂要

第八十四卷 如來隨好光明功德品疏論纂要

第八十五卷 普賢行品疏論纂要

第八十六卷 如來出現品疏論纂要之一

第八十七卷 如來出現品疏論纂要之二

第八十八卷 如來出現品疏論纂要之三

第八十九卷 如來出現品疏論纂要之四

第九十卷 離世間品疏論纂要之一

第九十一卷 離世間品疏論纂要之二

第九十二卷 離世間品疏論纂要之三

第九十三卷 離世間品疏論纂要之四

第九十四卷 離世間品疏論纂要之五

第九十五卷 離世間品疏論纂要之六

第九十六卷 離世間品疏論纂要之七

第九十七卷 離世間品疏論纂要之八

第九十八卷 入法界品疏論纂要之一

第九十九卷 入法界品疏論纂要之二

第一百卷 入法界品疏論纂要之三

第一百卷之一 入法界品疏論纂要之四

第一百卷之二 入法界品疏論纂要之五

第一百卷之三 入法界品疏論纂要之六

第一百卷之四 入法界品疏論纂要之七

第一百卷之五 入法界品疏論纂要之八

第一百卷之六 入法界品疏論纂要之九

第一百卷之七 入法界品疏論纂要之十

第一百卷之八 入法界品疏論纂要之一

第一百卷之九 入法界品疏論纂要之二

第一百卷之十 入法界品疏論纂要之三

第一百卷之十一 入法界品疏論纂要四  
第一百卷之十三 入法界品疏論纂要六  
第一百卷之十五 入法界品疏論纂要八  
第一百卷之十七 行願品別行疏鈔纂要一  
第一百卷之十九 行願品別行疏鈔纂要三  
大方廣佛華嚴經疏論纂要目錄終

第一百卷之十二 入法界品疏論纂要五  
第一百卷之十四 入法界品疏論纂要七  
第一百卷之十六 入法界品疏論纂要九  
第一百卷之十八 行願品別行疏鈔纂要二  
第一百卷之二十 行願品別行疏鈔纂要四  
大方廣佛華嚴經疏論纂要目錄終

大方廣佛華嚴經疏論纂要懸示卷第一原本清初刊於鼓山。中經補版。別無他刻。今依補刊本重刊。但略易其行款排列。版心酌標品科。間有正訛考異之處。以闕字識之。

五臺山清涼國師澄觀疏鈔 太原方山長者李通玄論 閩鼓山私淑比丘道需纂要

○經前懸示疏論各有十門。取其大意。略立六段。一明處會品。二分經之大科。三顯經之宗趣。四判經屬圓教。五示圓義分齊。六明所被之機。今初處會品第。

此一部全經。疏分爲七處九會。三十九品。論分爲十處。十會。四十品。疏論稍殊。意各有在。

疏七處九會。三十九品者。○初會菩提場。普賢菩薩爲會主。說毗盧遮那如來依正因果法門。自第一卷至十一卷。共六品經。六品者。世主妙嚴品。如來現相品。普賢三昧品。世界成就品。華藏世界品。毗盧遮那品。○第二會普光明殿。文殊師利菩薩爲會主。說十信法門。自十二卷至十五卷。共六品經。六品者。如來

名號品。四聖諦品。光明覺品。菩薩問明品。淨行品。賢首品。○第三會。忉利天宮。法慧菩薩爲會主。說十住法門。自十六卷至十八卷。共六品經。六品者。升須彌山頂品。須彌山頂偈讚品。十住品。梵行品。初發心功德品。明法品。○第四會。夜摩天宮。功德林菩薩爲會主。說十行法門。自十九卷至二十一卷。共四品經。四品者。升夜摩天宮品。夜摩天宮偈讚品。十行品。十無盡藏品。○第五會。兜率天宮。金剛幢菩薩爲會主。說十迴向法門。自二十二卷至三十三卷。共三品經。三品者。升兜率天宮品。兜率天宮偈讚品。十迴向品。○第六會。他化自在天宮。金剛藏菩薩爲會主。說十地法門。自三十四卷至三十九卷。共一品經。一品者。即十地品。○第七重會。普光明殿。如來爲會主。說阿僧祇數量法門。及如來隨好光明功德。及普賢等諸菩薩。說十大三昧等等妙法門。自四十卷至五十二卷。共十一品經。一品者。普賢菩薩說十定品。十通品。十忍品。佛說阿僧祇品。心王菩薩說如來壽量品。諸菩薩住處品。上明差別因。青蓮華藏菩薩說佛不思議法品。普賢菩薩說如來十身相海品。佛說如來隨好光明功德品。上明差別果。普賢菩薩說普賢行品。明平等因。說如來出現品。明平等果。上自二會來至此。一遍明六位因果。○第八三會。普光明殿。普賢菩薩爲會主。說離世間法門。自五十三卷至五十九卷。共一品經。一品者。即離世間品。此二遍明六位因果。○第九會。逝多林。如來善友爲會主。有本末二會。初世尊放光現相。答諸菩薩念請。爲本會。次文殊師利菩薩從善住樓閣。出往人間。開悟六千比丘。及指善財參五十三知識。爲末會。通爲入法界品。自六十卷至八十卷。共一品經。一品者。即入法界品。此三遍明六位因果。

論十處十會四十品經者。○第一會在菩提場。示現初成正覺。凡六品經。同上。○第二會在普光明殿。說

十信位。凡六品經同上。○第三會在須彌山頂帝釋宮中。說十住位。凡六品經同上。○第四會在夜摩天宮。說十行位。凡四品經同上。○第五會在兜率天宮。說十迴向位。凡三品經同上。○第六會在他化自在天宮。說十地位。凡一品經同上。○第七會在第三禪天。說等覺法門。謂之普賢佛華三昧會。此會來文未足。如縷絡本業經具云。彼經是化三乘人已。後如來領至菩提樹下。却說初成佛時說華嚴經會次第。計此一會一品。通爲十處。十會四十品經。爲此經十成法。皆圓滿故。○第八會在普光明殿。說十定法門。其定名入刹那際。爲刹那是極短促。思慮不及之地。不同三乘別論生滅。如來出世始終不離刹那際。爲此定體。稱法界性。更無長短始終。三世總爲一際故。不同古人釋此會爲重會普光明殿。豈可見兩度三度重敍普光明殿。卽云重會三會。令他作去來之見。如經意者。但以佛自體無作大悲爲母。以一切種智爲佛。以法無性無所依爲時日歲月。以一切衆生根器爲明鏡。佛于一切衆生心海。任物自見。各得自法。皆令向善。及得菩提。非是如來有重去重來相故。但明此普光明殿。是如來自性一切智種智之都體也。爲依報所居。此刹那際定。是佛一切智種智之法性故。意在總括一切法界衆海會等總體。如王寶印。一時頓印。不可作重會去來之見。○第九會在普光明殿。說離世間品者。明從此重起信心發行。修十住。十行。十迴向。十地。十定。十通。十忍。乃至如來出現佛果位終。皆悉不離普賢舊行。爲如來出現品前三十六品經。是自乘普賢行滿。出現品後離世間一品。純是果後利他普賢恆行。普印十方。無休息也。如善財見慈氏如來已。却令見文殊師利者。明今至果。不離初信之門。便聞普賢名。見普賢身等。普賢身者。卽果後普賢之行。此品不同。彼古人釋此會爲三會普光明殿者。以法界門不可作世情去來之見。如上所說。○

第十會在逝多林。說法界品。明此一會。普含諸會。及十方刹海法界虛空界總之一會。重重無盡。無盡重重。以六相十玄該之。以無思之心照之。可見。○又云。以世主妙嚴品爲一會。以普光殿三會爲一會。通前世主妙嚴品爲二會。上升須彌。夜摩。兜率。他化。第三禪爲五會。通前兩會爲七會。法界品祇園人間爲第八會。善財大塔廟處爲第九會。以虛空法界一切處會爲十會。古人云。九會者。爲未知有十一地在第三禪說。此經總十法爲準。不可說九也。

**評曰**此經處會品第。疏論所以不同者。各有其意。不必軒輊。其普光明殿重會三會之說。在圓融行布之間。疏所以分者。以圓融不礙行布也。論不分前後往來之相。一時頓說者。以行布不礙圓融也。其言似反。其意正合。故疏釋升須彌品云。言爾時者。卽前二會時。主伴齊徧。演前二會之法也。何須舉前二會。欲明前會不散。成後會故。後必帶前。合成法界無礙會故。一一法會無休息故。後後諸會皆同時故。若散前會。卽無後故。所以唯約覺樹會者。此爲本故。得佛處故。理實第二亦同此徧。若同時徧。何有九會。若有前後。何名同時。應云。卽用之體。同時頓徧。卽體之用。不壞前後。猶如印文。觀此。則疏意尤圓。善得六相之意。不滯一邊也。

○二分經之大科。

此一部全經。清涼國師疏分爲五周四分。而棗柏李長者論。略作十段長科。亦有五種因果徧周義。

**疏五周四分者**○一所信因果周。卽舉果勸樂生信分。謂第一會菩提場說毗盧遮那依正因果法門。自世主妙嚴品。至毗盧遮那品。凡六品經。前五品顯如來依正果德。後一品明佛本因。勸勵大心衆生。令生

欣樂。以起淨信。故名所信因果周。亦名舉果勸樂生信分。○二差別因果周。卽修因契果生解分。謂第二會普光明殿起。經歷忉利。夜摩。兜率。他化自在。說十信。十住。十行。十迴向。十地。及重會普光明殿。說十定。至菩薩住處。共六品經。明差別因圓。後佛不思議法。如來十身相海。如來隨好光明功德。共三品經。明差別果滿。又十定以下六品經。明等覺。佛不思議法品以下三品經。明妙覺。○三平等因果周。卽於前會說普賢行。如來出現。二品經。明平等因果。前普賢行。明因該果海。次如來出現。明果徹因源。因果不二。故名平等。連上差別二周。通名修因契果生解分。○四成行因果周。卽託法進修成行分。謂第八會三會普光明殿。說離世間法。卽成行因果周。普慧雲興二百問。普賢瓶瀉二千酬。通明六位因果。自五十三卷。至五十九卷。共一品經。初通明五位之因。後明八相之果。此託圓融法界。進修成行位。位交羅。一位具足一切位。故沒其位名。但明圓融之行。故名託法進修成行分。○五證入因果周。卽依人證入成德分。謂第九會逝多林。說入法界法門。以諸菩薩念請。有三十問。具問如來果海中事。以果海離言。故如來但現相以答。復放光攝受。光中具見所問之事。令其現證。是爲本會。次文殊師利從善住樓閣出。漸往人間大塔廟前。令六千比丘頓證。次指善財童子南詢。參五十三知識。通名末會。及善財末後見普賢身。入普賢菩薩一毛孔中。頓圓曠劫之果。故前三十八品。但該羅六位因果。令生信發解。依之起行造修。至此方爲證入。故云依人證入成德分。若無實證。則前解行。俱爲虛設。故以證終。

論十段長科者。○一明始成正覺。卽世主妙嚴品是。○二明舉果勸修。卽現相品已下。至毗盧遮那品。總五品經是。及前世主妙嚴品亦是。乃是舉佛所成之果。勸令人修。○三明以果成信。卽從佛名號品已下。

至賢首品。六品經是。亦通取前世主妙嚴品已來總是。便以十箇智佛以爲自心之果。以不動智佛爲首。明自心智。隨分別性。無所動故。○四明入真實證。從升須彌山頂品已下六品經是以十住爲體。住佛智慧家故。○五明發行修行。從夜摩天宮已下四品經是以十行爲體。行佛行故。○六明智悲相入。從升兜率天宮品已下三品經是以十迴向爲體。體圓眞俗。成大悲故。○七明蘊修成德。他化自在天中。十地一品經是。蘊修前三法。令慣習成就故。○八明利生自在。從十定品已下。至離世間品。總十二品經是以十地中蘊德成功。十一地利生行滿。方名法行圓滿佛。於始於終。無作體性。不移毫念。爲以法界圓明大智之性。爲十住見道之初。無時念故。三世無性故。總一時故。此非情識所知。唯智會故。○九諸賢寄位。卽已上六位諸菩薩。并佛出現品亦是。皆從性海大智境界中。方便出現其身。寄位成十信。十住。十行。十迴向。十地。及等覺位十一地法門。令凡夫信入。倣學依蹟。不迷其事。○十明令凡實證者。以法界性中。安立十信等六位進修方便行。不離體用。不壞方便。其智彌高。其行彌下。遂根行滿。故名進修。隨力堪能。安立諸位。隨位知行。令不迷因果。使學者善明總別。依位成功。不滯始故。不離初故。卽如下文善財等衆。優婆塞。優婆夷。童子。童女。各列有五百。具明十住。十行。十迴向。十地。十一地。五位。一位有十。通爲五百。如六千比丘。通信亦不退。總云六千。一萬諸龍。以明萬行。如是之衆。並是凡夫。皆信是法界佛果智門故。而登十住。十地諸位。故名令凡實證。

**評曰**疏論分經。大意皆同。論唯第九諸賢寄位一科。重收前六位。謂已上六位諸菩薩。并佛出現。是從性海大智境界中。方便出現其身。寄位成十信等。令凡夫信入。倣學依蹟。不迷其事。與疏不同。愚謂六位法

門。乃三世諸佛修行成道之成式。亦是毗盧遮那如來因地修證之門。前菩提場一會。既舉其所成之果。第二普光明殿已下諸會。明信住行向地等位。乃示其由因至果之蹟。離世間一品。則明其諸位之行。而法界一品。舉善財一人。經歷諸位。一生頓證。令大心凡夫。見賢思齊。直下承當。依法修證也。

論此一部之經。總有五種因果徧周義。○一示成正覺因果徧周。卽世主妙嚴品是。通下五品經總是。○二進修因果徧周。從佛名號品已下。十信。十住。十行。十迴向。十地位中。共二十品經是。○三定體徧周。卽十定。十通。十忍等品是。○四行海徧周。卽普賢行品。離世間品是。○五法界不思議大圓明智海徧周。卽法界品是。以此一部之經。五品之內。品初皆有爾時世尊在摩竭提國以爲品首者。明此五法。是一時。一法界。一剎那際。一體用。一切諸佛。一共同之法。如是之法。不離十定之中剎那際。降神入胎。示現成佛。入涅槃。不離一剎那際。更無移也。

評曰。五周之義。疏論稍殊。各有所主。大旨無乖。讀者詳之。

### ○三顯經之宗趣。

疏語之所尙曰宗。宗之所歸曰趣。一切諸經。各自有宗。然楞伽云。一切法不生。不應立是宗者。斯言遺滯。若無宗之宗。宗說兼暢。今此經者。以法界理實緣起因果不思議爲宗。而法界等言。諸經容有未顯特異。故以不思議貫之。則法界等皆不思議。故爲經宗。所以龍樹指此經爲大不思議經。斯良證也。淨名但明作用不思議解脫。蓋是一分之義。未顯法界融通等不思議。故不同也。其中釋義有四門。第一別開法界。以成因果。謂普賢法界爲因。遮那法界爲果。是故因果不離理實法界。第二會融因果以同法界。第三法

界因果。分明顯示。第四法界因果。雙融俱離。性相混然。無礙自在。已上四門。各有十義五對。互爲宗趣。具如疏明。上之四門。初一卽體之用。次一卽用之體。三卽體用雙顯。四卽體用鎔融。又初一卽因果緣起。次一卽理實法界。三卽雙明。後一卽不思議。旣以第四融前。則四門一揆。

○論此經名毗盧遮那大智法界本眞自體寂用圓滿果德法報性相無礙佛自所乘爲宗。法華云。乘此寶乘。直至道場。此經云。有樂求佛果者。說最勝乘。上乘。無上乘。不思議乘等。是爲令初心者。志樂廣大。還得如來大智之果。與自智合一無二故。此經宗趣。甚深難信。若有信此經中如來大智境界佛果法門。而自有之。勝過承事十佛。刹微塵數諸佛。經於一劫。所有功德。賢首品頌云。一切世界諸羣生。少有欲求聲聞乘。求獨覺者。轉復少。趣大乘者。甚希有。趣大乘者。猶爲易。能信此法。倍甚難。爲此經宗趣。說入佛果。不逾剎那。但隔迷悟。說無量劫。不移一時。說從凡夫地創見道時。因果一時。無前後際。不見未成佛時。不見成正覺時。不見煩惱斷。不見菩提證。畢竟不移毫念。修習五十位滿。一切種智。悉皆成就。總別同異。成壞。一時自在。皆非世情所見。是故難信也。其所信者。如經下文。十信之位。金色世界。不動智佛。上首菩薩。名文殊師利。此云妙德。云金色者。明白淨無垢。卽法身之理。不動智佛者。卽理中智也。一切凡聖。等共有之。故云一切處文殊師利。一切處金色世界。一切處不動智佛。今之信者。當信自心無依住性。妙慧解脫。是自文殊。於心無依住中。無性妙理。有自在分別。無性可動。名不動智佛。理智無二。妙用自在。是故一切諸佛。從此信生。故號文殊爲十方諸佛之母。亦號文殊爲童子菩薩。爲皆以信爲初生故。信心成就。卽以定慧觀智力印之一念相應。名十住初心。便成正覺。取能行處。號曰普賢。取妙慧無依處。號曰妙德。取善能

分別知根之智。號之爲不動智佛。且能信處。號曰信心。自契相應。名爲住心。爲住佛所住妙慧解脫。相盡無生法故。若心外有佛。不名信心。名爲邪見人也。一切諸佛皆同自心。一切衆生皆同自性。性無依故。體無差別。以此同體妙慧。知諸佛心。及衆生心。應如是信解。不自欺誑。是故此經宗趣。爲大心衆生入佛根本大智佛果。一念契真。理智同現。卽名爲佛。爲法界道理。見則無初中後故。是故法華經。爲迴三乘劣解者。令龍女非器。剎那成佛。明信心廣大。非權施設。所修實教。不迂滯故。言龍女年始八歲者。表今生始學。非舊學故。言畜生女者。明非過去積修。乃此生所信法門。理直無滯故。法界體性。非三世收。一念應真。三世情盡。智無出沒。卽佛果故。爲劣解衆生。興度八相等事。娑婆世界舉衆遙見龍女。卽往南方無垢世界成佛者。解云。南方者。爲明爲正。以主離故。離爲明。爲日。爲虛無。卽無垢也。舉衆遙見者。明三乘權學。信而未自證。故言遙見。夫法界一真。自他相徹。若當自得。焉得稱遙見。此經卽令善財一生得佛。解云。一生者。從凡夫地起信之後。十住初心契無生也。卽任法界智生。非業生也。至文廣釋。今且略明此經宗趣佛果法門竟。博達君子可試思焉。

**評曰**此經宗趣疏折衷諸家。以法界理實緣起因果不思議爲宗。而論於法界之上。加毗盧大智之言。而法界下。加體用法報性相無礙等言。與疏法界緣起不思議之義。其意大同。但疏中廣明法界緣起義甚玄妙。而論令大心衆生。於此經中自信如來大智境界佛果法門。本自有之。金色世界。明白淨無垢法身之理。不動智佛。卽理中智。自心無依住妙慧。是自文殊。凡聖共有。故云一切處文殊師利。一切處金色世界。一切處不動智佛。意尤痛切。讀者毋忽。

○四判經屬圓教。

疏以義分教。教類有五。卽賢首所立。一小乘教。二大乘始教。三終教。四頓教。五圓教。初卽天台藏教。二始教者。亦名分教。以深密第二第三時教。同許定性無性。俱不成佛。故今合之。總爲一教。此旣未盡大乘法理。故立爲初。有不成佛。故名爲分。三終教者。亦名實教。定性二乘。無性闡提。悉當成佛。方盡大乘至極之說。故立爲終。以稱實理。故名爲實。四頓教者。但一念不生。卽名爲佛。達摩碑云。心有也。曠劫而滯凡夫。心空寂無取亦無見。性空即是佛。不可得思量。不依地位漸次而說。故立爲頓。如思益云。得諸法正性者。不從一地至於一地。不同於前。漸次修行。不同於後。圓融具德。故名爲頓。頓詮此理。故名頓教。天台所以不立者。以四教中皆有一絕言故。今乃開者。頓顯絕言。別爲一類離念機故。卽順禪宗。達摩以心傳心。正是斯教。若不指一言以之。言直詮絕言之理。教亦明矣。是故禪宗不出頓教也。五圓教者。明一位卽一切位。一切位卽一位。是故十信滿心。卽攝五位成正覺等。依普賢法界。帝網重重。主伴具足。故名圓教。如此經說。圓義分齊中廣明。

論中廣引東土西天諸家立教訖。乃云。通玄自參聖教。隨己管窺。以述意懷。用呈後哲。準其教旨。略立十種教。總該佛日出興。始終教意。何者爲十。第一時說小乘純有教。第二時說般若破有明空教。第三時說解深密經。和會空有。明不空不有教。第四時說楞伽經。明契假卽眞教。第五時說維摩經。卽俗恆眞教。第六時說法華經。明引權歸實教。第七時說涅槃經。令諸三乘捨權向實教。第八時說華嚴經。於剎那際。通攝十世圓融。無始終前後通該教。第九共不共教。謂同聞異解。第十不共共教。謂華嚴會上。十方雲集。諸來菩薩。及天龍八部等。各各差殊。同得聞毗盧遮那果德法自在。如是十教。總是如來於本法界。一剎那際。一時。一聲。頓印如響。隨諸衆生自分根門。具同具別圓融自在。

力漸頓不同。是故于今以圓數故。略分十種教門。用彰進修解行差別。

**論**立十種教。總依如來無三世智海。一剎那際一時頓說。由根不同。差別自生。正是華嚴圓頓教旨。雖別是一家之論。與諸古德所立。大旨無違。今錄其條目于此。以備參考。廣釋如論。

### ○五示圓義分齊。

疏已知此經總屬圓教。未知圓義分齊云何。然此教海宏深。包含無外。色空交映。德用重重。語其橫收。全收五教。乃至人天。總無不包。方顯深廣。其猶百川不攝大海。大海必攝百川。雖攝百川。同一鹹味。故隨一滴。迥異百川。前之四教。不攝于圓。圓必攝四。雖攝于四。圓以貫之。故十善五戒。亦圓教攝。尚非三四。况初二耶。斯則有其所通。無其所局。故此圓教語廣。明無量乘。語深。唯顯一乘。一乘有二。二同教一乘。同頓同實。故二別教一乘。唯圓融具德。故以別該同。皆圓教攝。今明別教一乘。略顯四門。一明所依體事法界。二攝歸真實。三彰其無礙。四周徧含容。

各有十門。以顯無盡。初中十者。一教義。二理事。三境智。四行位。五依正。六體用。七體用。八人法。九逆順。十應感。

初。即事理無礙法界。各依體事。若以義取。隨一事上。即有十對。故一塵。即具十對。上明所依禮事竟。

中。總有三觀。一真空。絕相觀。即今疏後之三門。攝歸真實。

後。即前懸示四判經屬圓教評。五示圓義分齊疏明別教一乘四門所依體事攝歸真實。





分齊。十地論云。一切所說十句中。皆有六種差別相門。以顯緣起圓融之法。勿以陰界入等事相執取。言六相者。總相別。相同相異相成相壞相。一總相者。謂一含多德故。二別相者。多德非一故。三同相者。多義不相違故。四異相者。多義不相似故。五成相者。由此諸義。緣起成故。六壞相者。諸緣各住自性。不動移故。亦如染等。共成一舍。總則一舍。別則諸緣。同則互不相違。異則諸緣各別。成則諸緣辦果。壞則各住自法。餘一切十句。皆應隨義類知。

評曰。緣起之法。不起則已。起則圓融。十玄六相。其義一揆。其舍喻。詳如賢首教義分齊所解。見初地。論教義差別。亦有十門。一佛日出興教主別。二光明表法現相別。三問答所詮主伴別。四所示因圓果滿別。五地位所行相別。六重令善財證法別。七明六位菩薩來衆別。八明所施法門理事別。九與諸三乘得果別。十所付法藏流通別。具如論廣釋。

評曰。疏論發明經中圓義。最爲詳盡。不能具引。有志入斯廣大法門者。宜博覽深思焉。

### ○六所被之機

疏夫教因機顯。離機無言。上說義理宏深。未委被何根器。若明能應者。十身圓音。今直彰所被。通有十類。前五揀非器。後五彰所爲。前中一無信非器。以聞生誹謗。墮惡道故。二違眞非器。依傍此經以求名利。不淨說法。集邪善故。三乖實非器。謂如言取文。超情至理。不入心故。上三皆是凡愚。故下文云。此經不入餘衆生手。四狹劣非器。謂一切二乘。出現品云。一切二乘。不聞此經。何況受持。故雖在座。如聾如瞽。五守權非器。謂三乘共教諸菩薩等。隨宗所修行布行位。不信圓融具德之法。故下經云。設有菩薩。無量億那由

他劫行六波羅蜜。不聞此經。或時聞已。不信不解。不順不入。不得名爲真實菩薩故。後五顯所爲中。一正爲謂是一乘圓機。故出現品云。此經不爲餘衆生說。卽通指前五。唯爲大乘不思議乘菩薩說。卽正爲之機。謂一運一切運。圓融行位。卽深不思議。又能偏達諸教。卽廣不思議。故文云。非餘境界之所知。普賢行人方得入等。二兼爲。謂卽時雖未能悟入。而能信向成種。如出現品食金剛喻。故地獄天子。十地頓超。大海劫火不能爲障。約未悟人。故名爲兼。十地品偈云。雖在海水劫火中。堪受此法。必得聞是也。三引爲。卽前權教菩薩不受圓融之法。故十地之中寄位顯勝。借其三乘行布之名。彼謂同于我法。後因熏習。方信入圓融。以離此普法。無所歸。故權教極果。無實事故。四者權爲。卽是二乘。謂旣不聞。况于受持。故諸菩薩權示聲聞。或在法會而盲聾。彰其絕分。或示在道而啓悟。知可迴心。五遠爲。謂諸凡夫外道。闡提。悉有佛性。今雖不信。後必當人。故出現品云。如來智慧大藥王樹。唯除二處。不能爲作生長利益。所謂二乘。墮無爲坑。及壞善根非器衆生。溺大邪見貪愛之水。然亦于彼曾無厭捨。前三非器。是溺邪見。第四非器。是墮深坑。故皆揀之。今四及五。明佛無厭捨。故示而誘之。熏其成種。又彼品中。明不信毀謗。亦種善根。謂謗雖墮惡。由聞歷耳。終醒悟故。又云。如日亦與生盲作利益故。又如大海潛流喻中。明無不具有如來智慧故。又破塵出經卷喻中。若除妄想。皆見佛智故。此皆明有自性住性。卽是所爲。況法性圓融。感應交徹。無有一法而非所被。

論此經法門付囑何人者。謂付囑大心凡夫。如來出現品云。佛子。此經珍寶。不入一切餘衆生手。唯除如來法王真子。生如來家種。如來相諸善根者。佛子。若無此等佛之真子。如是法門。不久散滅。何以故。一切二乘。不聞此經。何況受持。讀誦。書寫。分別解說。唯諸菩薩。乃能如是。解云。生如來家者。自覺自身法身根

本智。與佛真性。性相平等。同無性味。混然法界。自他情盡。唯佛智慧明徹。十方無性無依。無生死性。名爲生在佛家。以自體無作平等。悲智力故。紹隆正法。統治衆生。隨所應作。以法調伏。令諸衆生。差生死業。所有一切安樂之法。皆悉樂之。是則名爲持佛家法。又云。種如來相。諸善根者。解云。證佛法身性同法界。同佛悲智。如是信修。理事不殊。性相平等。如是學者。種如來相。同佛善根。不同權教。付囑三乘聲聞菩薩。又三乘之教。多付囑諸聖。及未生佛家諸凡夫。此經付囑最上大心凡夫。唯求如來不思議乘。生佛家者。若無大心凡夫。此經當滅。何以故。爲此經難信。設有聖說。凡夫不信不證。此經當滅。若聖位菩薩。有一切佛世界微塵數。如來何慮此經散滅。當知如來意者。令諸大心凡夫而起信修。得生佛家。不念已齊佛位。諸菩薩衆。諸有行者。應如是知。

詮疏明所被之機十類。前五揀非器。後五彰所爲。而所爲之中。其引爲權爲。遠爲。皆前之所揀。一切收盡。更無遺餘。可見此法門。無一人而非其所被。廣大無盡。不可思議。論中則謂此經不付囑入聖位諸菩薩。唯付囑最上大心凡夫。求如來不思議乘。生佛家者。若無大心凡夫。此經當滅。此言尤爲痛切。有志入圓頓法門者。應如是知。如是擔荷。不然。則雖終日讀誦。與在座聾瞽者。何以異乎。

○經題品目。<sub>二</sub>先解經題。

大方廣佛華嚴經。

疏釋此經題。先略後廣。略中此七字有六對。一經字是教。上六是義。卽教義一對。二嚴字是總。上五是別。卽總別一對。三華爲能嚴。上四皆所嚴。卽能所一對。四佛是所嚴所成之人。上三皆所嚴之法。卽人法一

對。五廣者是用。上二皆體。卽體用一對。六方者是相。大者是性。卽性相一對。故此七字。卽七大性。大者體大方者。相大廣者。用大佛者。果大華者。因大嚴者。智大經者。教大則。七字皆大。七字皆相等。今各以二義釋之。一大字體大者。具常徧二義。徧者。涅槃云。所言大者。其性廣博。猶如虛空。下經云。法性徧在一切處。一切衆生及國土。三世悉在無有餘。亦無形相而可得。常者。涅槃云。所言大者。名之爲常。下經云。法性無作無變易。猶如虛空本清淨。諸佛境界亦如是。體性非性離有無。然淵府不可以擬其深妙。故寄大以目之。實則言思斯絕。故下經云。法性不在於言論。無說離說。恆寂滅。諸佛境界不可量。爲悟衆生今略說。二方字相大者。體上恆沙性德。卽是相大。具正法二義。並無偏僞。故稱爲正。皆可軌持。目之爲法。故下經云。凡夫無覺解。佛令住正法。諸法無所住。悟此見自身。三廣字用大者。用如體故。無不周徧。然亦二義。由體有二義故。一者能包。二者能徧。故下經云。譬如虛空。具含衆像。於諸境界。無所分別。又如虛空。普徧一切。於諸國土。平等隨入。今用稱體。一稱體之包。則一塵受世界之無邊。二稱體之遍。則剎那彌法界而無盡。上之三字。卽體。相用。無有障礙。爲所證之法界也。四佛字果大者。亦有二義。一者能覺。佛陀梵言。此云覺者。故。二者所覺。卽大方廣。若別說者。覺上用者。覺世諦也。覺上體者。覺真諦也。覺上相者。覺中道也。三諦相融。三覺無礙。爲妙覺也。五華字因大者。亦有二義。一感果華。喻於萬行成佛果故。或與果俱。或不與俱。俱如蓮華。表因果交徹故。不俱如桃李華。不壞先因後果故。二嚴身華。喻於神通衆相等。必與位果俱故。故下經云。若見花開。當願衆生。神通等法。如花開敷。若見樹花。當願衆生。衆相如華。具三十二。六嚴字智大者。亦二義。一以萬行飾其本體。卽嚴上大方廣。如瑩明鏡。鏡雖本淨。非瑩不明。二以萬行功德成佛果。

之人。若琢玉成像。又飾本體。如鑄金成像。以行成人。如巧匠成像。七經字教大者。亦二義。謂貫與攝。貫者。貫華嚴之妙義。攝者。攝法界之海衆也。上略。釋竟。次廣釋者。總有十門。今唯舉第三具彰義類一門。以解題中大等七字。謂大等七字。義皆無量。並略以十義釋之。然古人亦各十義。釋其七字。不知以七字更互相釋。今明大義。則七字皆大方。則七字皆方。廣則七字皆廣。佛則七字皆佛等。初明大十義者。一體大。謂若相。若用。皆同真性而常徧故。即是大字。涅槃云。所言大者。名之爲常。此明體不變易。又云。大者。其性廣博。猶如虛空。此明體徧。二相大。謂恆沙性德。無不具故。互相卽入。微細重重等。具十玄門。皆其相故。卽經方字。方者。法也。三者用大。謂業用普周。如體徧故。卽經廣字。涅槃云。又大者。能建大義。卽是約用。四果大。謂智。斷依正。普周法界故。卽經佛字。五因大。謂發菩提心。起解行願證。精勤匪懈。成諸位故。卽經華字。六智大。謂大智爲主。運諸萬行。徧嚴一切。無所遺故。卽經嚴字。七者教大。謂一文一句。無不結通。徧於一切十方三際。重重無盡故。卽是經字。八者義大。謂所詮法。盡窮法界。乃至帝網。無所遺故。卽總是六字。九者境大。以上法門。普以無盡衆生爲化境故。十者業大。謂盡三際時。窮法界處。常將此法利益衆生。無休息故。二方十義者。方者。法也。卽前十大。皆名爲法。謂體法。相法等。三廣十義者。廣者多也。用多繁興。包無不盡故。二則前十皆多。卽明一徧。一切名之爲大。一攝一切。名之爲廣。亦可反此。四佛十義者。卽是十佛。大卽法界。佛方卽本性佛。廣卽涅槃佛。及隨樂佛。佛卽成正覺佛。華卽願佛。及三昧佛。嚴卽業報佛。經卽住持佛。總不離心。七字皆是心佛。釋十佛義。如八地中。及離世間品辨。五釋華十義者。一含實義。表於法界含性德故。二光淨義。本智明顯故。三微妙義。一一諸行同法界故。四適悅義。順物機故。五因果義。行爲生因。起正

許國師以十門解釋經題。而具彰義類一門。大方廣等七字。各以十義更互釋之。傾無餘蘊矣。故余錄之。

以便好略之機。更前後九門。是乃縱無盡之智辨。窮法界之詮旨。至于攝歸一心。泯同平等。則至矣盡矣。所謂唯證相應。名佛華嚴。智力有餘者。不可不博覽而深究之。蓋一經之玄極。盡在是也。

○次釋品目。

世主妙嚴品第一。

疏世者時也。即是世間。有三。一器世間。即是化處。二衆生世間。即所化機。三智正覺世間。即能化主。主者。君也。卽佛及諸王。地神。水神。林神。山神。卽器世間主。天王。龍王。夜叉王等。卽衆生世間主。如來。是智正覺世間主。亦總化上二徧統前三。故並稱世主。妙。謂法門體用。深廣難思。卽主之所得。嚴。謂嚴飾。乃有多義。一器世間嚴。謂其地堅固等。二衆生世間嚴。謂衆海各具法門威德故。三智正覺世間嚴。謂於一切法成最正覺。三業普周。法門無盡故。所以長行諸王之嚴。偈頌讚德。皆顯嚴佛。衆生不嚴。不感佛興。正覺不嚴。不能爲主。器界不嚴。非真佛處。復由佛嚴。顯遇者有德。衆生嚴。顯輔佛超勝。如是互嚴。亦爲妙嚴。諸經無此廣嚴。但初名序品。今唯明序已兼正故。廣讚諸嚴。以爲華嚴之由序。已上疏釋經題品目竟。

疏釋經題品目者。何故名爲大方廣佛華嚴經。世主妙嚴品第一。解云。大者。無方義。方者。法則義。廣者。理智徧周義。佛者。智體無依住義。智自在義。華者。徧法界無盡行義。以行能開敷自他果故。華是感果義。開敷義。嚴是莊飾義。明初發心住位。以十信中有作行華。開敷十住位中妙理智慧果故。復生無作十種行華。常以法行互嚴。用淨自利利他之道故。行爲嚴飾義。世主妙嚴者。以此初品有諸神天八部之衆。皆爲世間主。各將十佛世界微塵數隨身部從。或但云無量。來嚴道場。此爲依衆成名也。故云世主妙嚴。又佛

及菩薩。皆爲世間主故。以能主導衆生。總爲世間主。亦此初品。總標一部。一部都舉。總有一二百一十八衆。形狀不同。各各部類。或言一佛世界微塵。或十佛刹微塵。或言無量。以嚴海會。故言世主妙嚴。或以佛福報境界。妙嚴依正。亦得稱爲世主妙嚴。爲如來亦爲世間主。主導衆生故。此爲依主得名。品者。均別義。明五位及信心。同異差降。意類別敍。進修生熟。各有條貫。次第分明。令後學者。自識本行。進修不惑。故爲品類。均別義也。第一者。非是次第前後之第一。爲法界門中。無前頭在後之次第。皆是一時。無二念。同時顯著諸品之第一。一多緣起。同時之第一。是名同時具足相應門。一多相容。不同門。以十玄門及六相義。通融品名。亦如是可知。不可如情所計。故名第一。已上論釋經題品目竟。

### 大方廣佛華嚴經疏論纂要懸示卷第一

#### 大方廣佛華嚴經疏論纂要卷第二

五臺山清涼國師澄觀疏鈔 太原方山長者李通玄論 閩鼓山私淑比丘道需纂要

#### 世主妙嚴品第一之一

○疏大科分二。初解經題品目。二正釋經文。經題品目。具如前釋。今正釋經文。準常三分。謂初品爲序。現相下。正宗法界品內。爾時文殊師利從善住樓閣出下。明流通序中。就文分二。初此土序。二結通十方無盡世界序。初中復二。初證信序。後爾時如來道場下。發起序。劉二結通者。文在第五卷末。彼文有三。然此

二序廣如常解。今但略宸初證信者。若原其所由。則阿難請問。如來令置。如智度論。長戶那國婆樓豆雙樹間北首而臥。一心欲入涅槃。阿難親屬愛心未除。未離欲心。心沒憂海。一切有爲法。是無常相。不能自出。爾時於涅槃時。於佛涅槃時。於雲中。云從今日後解脫戒經。是汝大師。如解脫戒經說。身口意業。應如是行。又車匿比丘。如梵天法治。若我過去。依止念處。莫依止餘。乃至廣說身受心法。除世間貪。我聞一時等語。如是我經初亦應稱此。如我聞一時等語。若覈其所以。意有六焉。一爲異外道故。外道經首皆立阿優。以爲吉故。此約如是。二爲息諍論故。智度論云。若不推從佛聞。言自制作。則諍論起故。今廢我從聞。聞從佛來。故經傳歷代。妙軌不輟。此局我聞。三爲離增減過故。佛地論云。應知說此如是我聞。意避增減異分過失。謂如是法。我親從佛聞。文義決定。非謂傳聞。有增減失。四爲斷衆疑故。真諦引律云。結集法時。阿難升座。變身如佛。衆起三疑。一疑大師涅槃重起。二疑他方佛來。三疑阿難轉身成佛。說此如是我聞。三疑頓斷。既言我聞。卽非佛明矣。上二義通約信聞。五爲生信故。智論云。說時方人。令生信故。此局後四。六爲順同三世佛故。此通六種。然信聞二事。文局初首。義通九會。時主二種。文義俱通。處衆二事。文義俱局。隨相則爾。約實互融。然事下科揀通局。謂如是我聞。唯經初有。而九會經如是法義。我皆得聞。時主俱通者。會之初。皆云爾時。世尊等處衆俱局者。摩竭非切利天等處局。十佛刹菩薩列名。異故新舊菩薩亦不同故。衆局約實互融。者。一會卽一切會。何有衆等而不通耶。上來略依三分二序。然此經體勢少異。今爲四分。初舉果勸樂生信分。二修因契果生解分。三託法進修成行分。四依人證入成德分。就第一舉果分中。或科爲十一教起因緣分。卽初一品。二大衆同請分。三面光集衆分。四毫光示法分。五眉間出衆分。已上在第二品內。六普賢三昧分。七諸佛。

同加分。八法主起定分。九大衆重請分。已上在第三品內。十正陳法海分。在後三品內。若以義從文。且分爲三。一教起因緣分。二現相下。說法儀式分。三世界成就下。正陳所說分。就初分中。亦分爲十一。總顯已聞。二一時下。標主時處。三始成正覺。別明時分。四其地下。別顯處嚴。五爾時世尊下。教主難思。六有十佛世界下。衆海雲集。七從爾時如來道場下。稱揚讚德。八爾時如來師子座下。座內衆流。九爾時華藏下。天地徵祥。十如此世界下。結通無盡。今初。

如是我聞。

疏如是我聞者。謂如是一部經義。我昔親從佛聞。故佛地論云。謂傳佛教者。言如是之事。我昔曾聞。此上總合信聞。若離釋者。先釋如是。信成就也。智論云。佛法大海。信爲能入。智爲能度。信者。言是事如是。不信者。言是事不如是。故肇公云。如是者。信順之辭也。信則所言之理順。順則師資之道成。經無豐約。非信不階。故稱如是。有云。聖人說法。但爲顯如。唯如爲是。故稱如是。此唯約所詮之理。次真諦三藏云。真不違俗。名之爲如。俗順於真。稱之爲是。真俗無二。故稱如是。此約所詮理事。若華嚴宗。以無障礙法界曰如。唯此無非爲是。二我聞者。聞成就也。將欲傳之於未聞。若有言而不傳。便是徒設。不在能說。貴在能傳。故次明我聞。我卽阿難。聞謂親自聽聞。云何稱我。卽諸蘊假者。雖因耳處。廢別從總。故稱我聞。法雖無我。言語便故。隨順世間。故稱我聞。非邪慢心而有所說。若依無相。我旣無我。聞亦無聞。從緣空故。而不壞假名。卽不聞聞耳。翻無相宗。舍於三教。謂始教。頓教。實教。謂若但云我旣無我。聞亦無聞。卽大乘初門爲始教意。若云能所雙寂。無聞亦無我不我。離念頓顯。卽頓教意。其從緣空故。有二。一者向上。成前二教實無我所以。二者向下。不壞假名。卽不聞之聞爲實教意。謂事理無礙故。聞卽不聞。無二義故。若約法性。此經旨趣。傳法菩薩。以我無我不二之真我。根

境非一異之妙耳。聞無礙法界之法門也。約法性宗辨。而但明圓教中意。言以我無我二之真我者。舍兩經意。一者淨名云。於我無我而不二。是無我不義。二者涅槃云。以無我法中有真我。是故敬禮無上尊。正當今意。卽口順世間心。造真境。真自在。我根境非一異之妙耳者。舍以根與境共爲緣起。因根說境。因境說根。互相融卽。故曰非異。兩相歷然。故曰非一。斯爲妙耳。何所不聞。謂有問言。阿難下釋。不聞難。謂有問言。阿難是佛。得道夜生。年滿二十。方始出家。年至三十。如來方命以爲侍者。自三十年前。如來所說。阿難不聞。何以經初皆言我聞。故爲此答。上皆就迹而說。實是大權菩薩。影響弘傳。如不思議境。經斯爲良證。但隨機教別。故見聞不同。如不思議者。彼經云。爾時復有千億菩薩。現聲聞形。亦來佛陀等。而爲上首。皆已久修六波羅蜜。近佛菩提。爲化衆生。於雜染土。現聲聞形。

○第一標主時處

一時。佛在摩竭提國阿蘭若法菩提場中。

疏主時處者。卽三成就。言一時者。時成就也。時者。亦隨世假立時分。一者揀異餘時。如來說經。時有無量。不能別舉。一言略周。故云一時。如涅槃云。一時佛在恆河岸等。卽法王啟運嘉會之時也。亦可機教一時。謂上言如是。言雖當理。若不會時。亦爲虛唱。今明物機感聖。聖能垂應。凡聖道交。不失良機。故云一時。佛者下。但稱爲覺。若云佛陀。此云覺者。然覺有三。一自覺。謂雙覺事理。如睡夢覺。如蓮華開。此揀凡夫。二者覺他。色心俱離。三者覺滿。以依起信。心體離念。題中自此義釋之。在摩竭下。處成就也。真身無在而無不在。故次辨之。言無在者。體相寂寥。離能所故。無不在者。體圓徧故。下經云。譬如虛空徧至一切色非色處。非至非不至。何以故。虛空無身故。又無在卽體。無不在卽體。徧一切衆生徧一切國土。非至非不至。何以故。如來身無身故。爲衆生故。示現其身。故用體用無礙。故爲真身。摩竭提國者。通舉說處。此云無毒害。以國法無刑戮故。表能化法。或云徧聰慧聰。

慧之人。徧其國故。表所化機。阿蘭若法者。別舉說場也。阿蘭若者。此云無誼諍。卽事靜也。法者。所證真理。二障業苦。誼雜斯盡也。事理俱寂。故加法言。菩提場者。菩提云覺。卽能證大智圓明究竟也。場者。證菩提之處也。然事處。卽天地之中。王舍城之西三百里金剛座上。約法則萬行皆是道場。理智相會之所。故爲表所說如所證。故不移其處說之。爲表所說下釋處所以表自心中所證。非是隨宜。故不移證處。

### ○第三別明時分。

#### 始成正覺。

疏前標一時。未知何時。故今別顯。是初成佛時。亦彰大師出現時也。此教勝故。衆教本故。在於初時。初言尙總。幾日之初。九會之文。同此初不略。爲三解。一約不壞前後相說。纔成初七。說前五會。第二七日。說十地等。第九一會。乃在後時。以祇園身子。皆後時故。常恆之說。不妨後時。雖能頓說。有所表故。初五信解行願。最在初故。故皆云不離道樹。第六會因地證位。居其次深。故無不起菩提樹言。法界極證。最在於後故。亦顯二乘絕見聞故。雖異處別時。亦不相離。爲寄穢土。以顯淨故。須前後耳。若爾。世親那云。初七不說。但思惟行因緣行耶。世親纔見十地。卽爲論釋。或則未窮廣文。或則知見有異。未全尅定。菩提流支。意大同此。國若爾世親下會論文。言思惟行因緣行者。因謂自所得法。緣謂所化之器。欲將己所證法爲衆生說。可度等是也。彼思不得一乘機。今思卽得一乘機爲異耳。二順論釋。九會皆在二七日後。二七非久。亦名始成。三約實圓融釋。皆在初成一念之中。一音頓演。七處九會無盡之文。海印定中。一時印現。約實圓融。卽賢首國師意。以應機出世。機感卽應。應卽有說。無非時失。故祇園身子。蓋是九世相收。重會之言。亦猶燈光涉入。故祇園身子下通妨難。謂有問若初成頓說。初成未度身子

時。約佛赴機。無時不說。望器無感。未曾有說。登地恆見常說一味之經。就佛而言。無說不說。若攝方便。皆一乘之印現差別耳。無涯之說。不應局執。上顯時分。次釋成正覺義。約教不同。小乘三十四心斷結。五分法身初圓。名成正覺。是實非化。傳說菩薩三十四心。便成佛故。言三十四心者。如婆沙八十二說。俱舍根品云。智。離有頂貪。有十八念。謂斷有頂惑。有九無間。九解脫道。如是十八足前十六成三十四。一切菩薩決定先於無所有處。已得離貪。方入見道。不復須斷下地煩惱。唯斷有頂一地之惑。但三十四心。一坐成佛。五分法身初圓者。卽戒定慧解脫知見。如十藏品。是實非化者。揀異大乘。大乘之中。約化八相示成。約報十地行滿。四智創圓。名曰始成正覺。教也。第二始據實。卽古今情亡。心無初相。名之曰始。無念而照。目之爲正。見心常住。稱之曰覺。始本無二。目之爲成。終教言以十佛法界之身雲者。卽成正覺等十佛。義並如前。言念念初初爲物而現者。卽體之應。何有不成。又體湛寂。故曰無成。不可。隨緣故無不成。卽成頓教意。若依此經。以十佛法界之身雲。徧因陀羅網無盡之時處。念念初初爲物而現。具足主伴。攝三世間。此初卽攝無量劫之初。無際之初。一成一切成。無成無不成。一覺一切覺。無覺無不覺。言窮慮寂。不壞假名。故云始成正覺。如出現品。及不思議法品廣顯。攝前諸說。皆一乘之所現也。第五圓教。言以十佛。法界之身雲者。卽成正覺等十佛。義並如前。言念念初初爲物而現者。卽體之應。云。如來成正覺時。於其身中。普見一切衆生。成既不已。故曰初初。一成一切成者。事事物無礙故。故出現品。應無盡時。生感卽成。念念機感。念念成矣。成既不已。故曰初初。一成一切成者。事事物無礙故。故出現品。一切處成。卽一切處成。故十地中。第十一願。願於一切世界。成阿耨多羅三藐三菩提。不離一毛端處。於一毛端處。皆悉示現。等。又云。如於此國處見佛。坐於一切世界。成阿耨多羅三藐三菩提。不離一毛端處。於一毛端處。亦如是。佛身無去亦無來。所有國土皆明現等。

覺無不覺。言窮慮寂。不壞假名。故云始成正覺。如出現品及不思議法品廣顯。攝前諸說。皆一乘之所現也。第五圓教。言以十佛法界之身雲者。卽成正覺等。十佛義並如前。言念念初初爲物而現者。卽體之應。應無盡時。生感卽成。念念機感。念念成矣。成既不已。故曰初初。一成一切成者。事事物無礙故。故出現品云。如來成正覺時。於其身中。普見一切衆生成。成既已。故曰初初。一切成者。事事物無礙故。故出現品云。如來成正覺。故如來成。卽衆生成矣。况佛佛平等。一切成佛。又於一處成。卽一切處成。故十地中第十一願云。願於一切世界。成阿耨多羅三藐三菩提。不離一毛端處。於一毛端處。皆悉示現等。又云。如於此處見佛坐。一切塵中亦如是。佛身無去亦無來。所有國土皆明現等。

斷疑成信分。如是我聞。一時佛在菩提場始成正覺。總爲六句。今言如是者。如卽如佛所言。是者。是佛所說。簡非異說。兩名相順。契信不殊。明眞是佛說。非阿難自說。亦非麁梵所說。又我聞一句。是阿難從佛所聞。非轉傳聞故。亦非是非人所制故。又非如外道經書。青鳥銜來。石崖崩得故。此是斷疑成信。又一切法如也。以法體如。所說法者及法亦如。以法界智是所聞之智。智亦如故。故言如是。心境不二方聞佛所說經。若心境有差。不可聞佛所說。亦復不能信順領受故。我聞者。是法界智之眞我。還見法界智之眞佛。還聞法界智之眞經。總法界智之眞人。互爲主伴。還化法界之眞衆生。悟入法界智之眞性。故言如是我聞。一時者。依諸古人說。正說法華經時。說金剛經時。非是說餘經時。名爲一時。取正說當部經時。名爲一時。今此說華嚴經時。卽不爾。卽是以法界體寄言。一剎那際。出世及涅槃。以一音音。一時徧周十方國土。轉法輪時。名爲一時。非如上說一時之義。佛者。覺也。覺有二義。一始覺。二本覺。此佛者。覺無始終。三世障盡。名之爲佛。不如權教。有出世涅槃。有始終故。又佛者。大智度論中有四義。一名有德。謂婆伽名德。婆有名。有故。二名巧分別。婆伽名分別。婆名巧故。三名有名聲。婆伽名名聲。婆名有故。四名能破姪怒癡。婆伽名破。婆名姪怒癡故。又佛地論說有六義。頌云。自在熾盛與端嚴。名稱吉祥及尊貴。如是六種義差別。是故總號婆伽婆。在者。在何處。所在有二義。一指事。二舉法。指事者。在摩竭提國。且指其國。二舉法者。在何處。在法界。卽事卽法界。無二故。爲法界無中邊大小彼此故。又摩竭提者。此云不害國。摩者。云無。竭提者。云害。總云無害國。又云。摩者。不也。竭提者。至也。言其此國。將謀兵勇。鄰國不能侵。又摩者。徧也。竭提。云聰慧。此國爲多有聰慧人徧其國內故。又云。摩者。大也。竭提者。體也。謂五印土中。此國最大。統攝諸國。故云大。

體也。又此國王不行刑戮。其有罪者。送置寒林中。爲明佛大悲。以處表德故。阿蘭若法。此云寂靜處。寂靜有二義。一事。二理。一事者。在摩伽陀國尼連河側。滄樓頻螺聚落中。去人間五里。一牛吼地。得阿耨多羅三藐三菩提。此處有一萬道場神。常在其處。一切諸佛示成正覺。總在其中。表如來萬行圓滿。中道無偏故。此處是闍浮提之中心故。二理者。卽一切法自體靜故。卽動而常靜故。菩提道場者。有二義故。一事。二理。一事者。如前尼連河邊。二理者。徧法界也。法界無邊。道場亦無邊。於一切刹皆示成佛故。如世間場簡穢故。法場治惑故。示現成佛治衆生惑故。此場依主釋爲佛在其中現成道故。依主得名爲覺場也。始成正覺者。古今情盡。名之爲始。心無所依。名之爲正。理智相應。名之爲覺。得如是法。名之爲成。又自覺覺他。名之爲覺。

論四分中第一釋。斷疑成信分竟。

○第四別顯處嚴者。然此下處。主及衆。卽三世間嚴。三中前二。卽如來依正。衆。卽淨土輔翼不空。翻第四別顯處嚴中。卽如來依正者。別顯處嚴是依教主難思是正。衆海雲集是衆。輔翼不空者。善薩卽十八圓滿中。輔翼圓滿不空。卽眷屬圓滿謂淨土中。無有四趣龍鬼等衆。是佛欲示淨土不空故。今初器界嚴者。卽廣於前場之嚴。顯成前覺之妙。異於餘經之處。於中四事。各十種嚴。明卽染顯淨。卽爲四別。第一地嚴。第二樹嚴。第三宮殿嚴。第四師子座嚴。然此諸嚴。各具三釋。一約事可知。二表法。謂地表心地法身。樹表菩提。宮殿表無住涅槃。座表法空等。三就因行。謂一以窮心地法身之因。報得增上金剛之地。二以般若爲因。三以悲智相導爲因。四亦以法空爲因。然或一因行成一切嚴。或一切行成一嚴。或一行成一嚴。或一切行成一切嚴。以通融別。純雜無礙。今但明一行一嚴。顯所表故。然各攝無盡之德。故四事皆有十句。今初地嚴。

其地堅固。金剛所成。』上妙寶輪及衆寶華。清淨摩尼以爲嚴飾。諸色相海無邊顯現。』摩尼爲幢。常放光明。恒出妙音。衆寶羅網。妙香華纓。周帀垂布。摩尼寶王變現自在。雨無盡寶。及衆妙華。分散於地。寶樹行列。枝葉光茂。』佛神力故。令此道場一切莊嚴。於中影現。

疏初心地十句分四。初一總顯地體。標以堅固。釋以金剛。諸教或云木樹草座。多云座是金剛。今全地金剛。則權實斯顯。徹華藏故。廣如彼品。翻徹華藏者。以華嚴世界。金剛所成故。次上妙下地。相具德。約因釋者。一寶輪者。一攝一切圓行致故。二及衆寶華。開覺悅他故。三清淨摩尼。圓淨明徹故。以上三行用嚴心地。故結云。以爲嚴飾。上皆形色。四卽顯色。謂青黃等殊名諸色相。種種重疊。深廣如海。互相映發。等彼波瀾。或諸色俱生。或更相攝入。含虛瑩徹。現勢多端。名無邊顯現。此由隱顯自在。定散無礙。隨機利行之所致也。』三摩尼下。明地上具嚴。一寶幢。曲有五句。一摩尼爲體。二三光音明用。四五網纓辨飾。就因行者降窓伏外爲幢。智光常照。慈音外悅。願行交羅。戒香芬馥。四攝周垂故。二摩尼雨寶。表神通如意。隨機變現。雨法寶故。三妙華散地。亦多因行徧嚴心故。四寶樹行列者。德行建立故。』四佛神力下。舉因結用。佛力者。出所因也。嚴具多門。別說難盡。故總云一切影現者。或於樹中現。或於上諸嚴具及地中現。明一一行中。皆道場故。

○第二樹嚴。

其菩提樹高顯殊特。』金剛爲身。琉璃爲幹。衆雜妙寶。以爲枝條。寶葉扶疎。垂蔭如雲。寶華雜色。分枝布影。復以摩尼而爲其果。含暉發燄。與華間列。』其樹周圓。咸放光明。於光明中。雨摩尼寶。摩尼寶內。有諸菩薩。

其衆如雲。俱時出現。』又以如來威神力故。其菩提樹恒出妙音。說種種法。無有盡極。

**疏**覺樹嚴者。卽大智因感。有十一句。分四。初一總顯高勝。長聳迥露。圓妙獨出。故約因。卽智超數表爲高。

本性不昧爲顯。成物具德曰殊。更無二眞爲特。約果。樹卽菩提。

按西域記。長一百尺。卽畢鉢羅樹。

』二金剛下六句。明體

攝衆德。一身是金剛。金剛三昧。本智因故。正行成立。爲樹身也。二榦是琉璃。本智發解。內外明徹。故三雜

寶枝條解隨境差故。四條假葉以爲嚴。智資定而深照。寶葉雖異。共成一蔭。百千定門。同歸一寂。自蔭蔭

他也。五寶華異色。在樹分枝。承光則色同。於地布影。表神通等法。依定有差。俱承智光影現心地。

表神通等法者。

卽淨行品。若見花開。當願衆生。神通等法。如華開敷。六華雖不同。果皆如意。無邊行海。同趣菩提。若自利果成。內則含輝。若身心湛

寂。外便發燄。若觸境斯明。若利他果立。未熟。則含輝。解生佛相。已熟。則發燄。還流教光。體如之行所成果。

無異因之果。故與華間列。故下經云。菩薩妙法樹。生於直心地等。

故下經云。菩薩妙法等者。等取下文云。信種慈悲根。智慧以爲身。方便爲枝榦。

五度爲繁密。定葉神通華。一切智爲果。最上力爲鳥。垂陰覆三。

釋曰。此五十九經。所以引者。意明表法皆有文據。非是臆說。』三其樹下三句。明妙用自在。展轉成益。

初依菩提智。放教智光。次依智光。雨圓明法寶。後教成悲智。卽菩薩現前。無心行成。故如雲出。』四又以下。一句舉因結用。謂佛力爲因。流音演法。以如意力。則智演法音。音還如性。故無盡極。廣多故無盡。豎長

故無極。無間故稱恒也。

○第三宮殿嚴。

如來所處宮殿樓閣。廣博嚴麗。充徧十方。衆色摩尼之所集成。種種寶華以爲莊校。諸莊嚴具。流光如雲。從宮殿間。萃影成幢。無邊菩薩道場衆會。咸集其所以能出現諸佛光明。不思議音。摩尼寶王而爲其綱。

如來自在神通之力。所有境界皆從中出。一切衆生居處屋宅。皆於此中現其影像。又以諸佛神力所加。一念之間悉包法界。

疏佛宮殿嚴。十句分四。初一總明分量。宮可覆育。卽是慈悲。殿可朝宗。所謂圓寂。悲智相導。若樓閣相依。廣者無邊。法無外故。博者不隘。法內空故。嚴者莊飾。具衆相故。麗者華美。法義備故。充十方者。稱法性故。』二衆色下二句。體相圓備。一體是摩尼。積德鎔融之所成故。二相嚴多種神通等法。悲寂用故。』三諸莊嚴下六句。妙用自在。一衆行發光灑法。如雲雲更多義。至下當辨。二光幢獨出。萃者聚也。卽承光聚影而成。謂悲寂交際。承智起應。降魔超出故。三內容衆海。無邊菩薩。卽道場外者。亦在其中。卽依中有正。亦果中有因。卽明涅槃。衆聖冥會。翻卽明涅槃等者。無有一聖不證涅槃。猶如百川皆歸大海。故肇公云。恬焉而夷。怕焉而泰。九流於是乎交歸。衆聖於是乎冥會矣。四聲光寶網。網者爲防禽穢。以益殿嚴。猶大教網。外防惡見。內益悲寂。教皆圓妙。以寶而成。故能出佛智光。圓音妙說。言不思議音。略有四義。一音聲繁廣。二所說難量。三聲卽無聲。四一具一切。五出生果用。卽正報大用。在此依中。依正混融。參而不雜。明依大涅槃能建大義。故曰出生。六無染現染。衆生是正。居處是依。染違性淨。不言出生。妄無自體。還依真現。』四又以下。舉因顯廣。謂德廣難陳。故今總結。由佛力故。一念頓包事理。染淨一切法界。况多念耶。然上充徧十方。卽通局無礙。集菩薩衆。出佛神通。卽攝入無礙。現生舍宅。卽染淨無礙。悉包法界。廣狹無礙。一念卽能延促無礙。又集菩薩。因果無礙。出佛神通。依正無礙。十種宮殿。此應說之。十種宮殿者。亦約表法之宮殿耳。亦同上文妙法樹矣。卽五十四經。

### ○第四師子座嚴

其師子座高廣妙好。摩尼爲臺。蓮華爲網。清淨妙寶以爲其輪。衆色雜華而作瓔珞。堂榭樓閣階砌戶牖。凡諸物像備體莊嚴。寶樹枝果周迴間列。摩尼光雲互相照耀。十方諸佛化現珠王。一切菩薩髻中妙寶。悉放光明而來瑩燭。復以諸佛威神所持演說如來廣大境界。妙音遐暢無處不及。

疏師子座嚴十句分四。初一總顯形勝。師子座者人中師子處之。又說無畏之法故得法空者何所畏哉。空乃高而無上。深不可測。廣而無外。邊不可窮。妙乃卽事而眞。好謂具德無缺。二摩尼下六句體德圓備。一臺座摩尼卽處正中。正可依處。摩尼隨映有差。法空隨緣成異。中道妙理正是可依。一周座華網卽外相無染。交映本空。三淨寶爲輪。輪謂臺之處中。周匝輪圍。卽具德周徧。四華纓周垂。諸覺諸通垂化周攝。諸覺諸通者淨名云覺意淨妙行品云神通等法如華開敷五寶嚴填飾。堂等略舉。凡諸總包。無處不嚴。故云備體。顯於法空。全收萬像。無事非理故。六寶樹間飾。間上物像也。卽菩薩妙法樹隨化分枝。隨因感果。並依無相義曰周迴。凡聖相資。名爲間列。三摩尼光下二句妙用廣大。一淨寶出光。如雲涉入法空亦爾。一一智中知一切法。一一法體顯一切智爲互照也。一一智中者如一實智知偏法界理。如一權智窮事無邊法界別事無不一法體者。如於一塵能顯實智。權智中道智證智教智無邊智門。知也。二主伴寶用。互相發揮爲佛化摩尼能作佛事。智論云。輪王寶珠但隨人意能雨寶物。天寶堪能隨天使令。佛寶十方能作佛事。菩薩寶珠亦能分作。如文殊師利冠中毗楞伽寶珠。十方諸佛於中顯現。今菩薩髻珠。卽是其類。下文雲集菩薩。髻珠亦爾。用此嚴座者。凡初成佛。皆一切諸佛現形灌頂。一切菩薩親授。敬養。故因果寶珠俱來瑩燭。如來從果起用。故云化現。理圓解滿義曰珠王。菩薩心頂智照圓淨。故曰髻中妙寶。寂照照寂。皆瑩淨照燭。用此嚴座下出嚴所以言寂照照寂者準纓絡經妙覺方稱寂照等覺照寂。今菩薩寶義同照寂。如來寶珠卽當寂照。一四復以下

一句。佛加廣演。佛境如空。故云廣大。有感斯至。爲無不及。顯教皆從法空所流。是故所流還周法界。非智不顯。故云佛力。

已上顯處嚴竟。

論二從其地堅固下。至妙音遐暢。無處不及。是莊嚴道場分。此一段文中。明如來本性中行四種因。感四種果報。何者爲四。第一明法身因。報得金剛地果。經云。其地堅固者是也。其地上有十種莊嚴。卽以十波羅蜜以成依報。金剛地爲正報。第二明萬行因果者。其如來自行普賢行爲因。所招寶樹行列莊嚴。金地周徧十方爲依果。故經云。令此道場一切嚴具樹中現像者。明覺行相徹。體用徹。故此總陳樹上莊嚴。後別舉菩提樹一箇。用明衆樹亦爾。其菩提樹有十種因果者。常以金剛地爲正報。其上莊嚴爲依報。又如來身爲正報。金剛地及地上一切莊嚴爲依報。今樹者。以如來行爲因。因行招報。樹爲依報。又樹上其樹金剛爲身。金剛爲正報。幹枝條葉華果爲依。明以行樹。法華智果。慈悲之葉。以十波羅蜜爲枝幹。法身以爲其莖。而隨十行之上。報得十種因果莊嚴。其十種因果莊嚴。如經。第三明大悲因果者。以如來大悲爲因。如來所處宮殿爲依果。此中有五種德而共成之。一如來大悲含育德以成其宮。二以正智利衆生德以成其殿。三以智觀照利自他德能成其樓。四以大智知根設教益生德能成其閣。五以大悲弘願周徧利生德。報得宮殿樓閣。周徧十方。以十波羅蜜行。隨大悲生。復成十種因果。何者爲十。以隨法身。隨萬行。隨大悲。隨大智。所招依果。各自區分。不相障礙。猶如大地。生諸卉木。地唯是一萬像不同。如水資生喻。思之可見。但十波羅蜜理唯一性。隨其法身萬行。大悲大智。報自差殊。故如法身大願大悲大智。十波羅蜜廢一不可。至八地已來。其功未熟。若廢一卽一切不成。欲學佛菩提者。如此通融。不修一行。若偏修

理。卽滯寂。偏修智。卽無悲。偏修悲。卽染習便增。若但修大願。卽有爲情起。菩薩於此衆行。不去不留。以法性。均融得所。卽得以定慧力。善觀察之。不可懸情斟酌。長諸癡愛。其十種行。爲十種依果莊嚴者。如經。第四明。如來大智隨萬行因果者。卽智通萬行。出現世間。示成正覺。爲正因也。師子座。爲依果。從其師子座一段。文中義分爲三。一釋座名。二陳座高廣。三明座上莊嚴因果。一釋座名師子者。依主釋。如來於大衆中。得無畏故。非於座上有師子莊嚴。設有者。但名依報故。二陳座高廣者。經但言高廣。不言量數。今以例比之。如下十住位中。帝釋天宮佛座。高十千層級。十行位中。夜摩天宮佛座。高百萬層級。十迴向位中。兜率天宮佛座。高百萬億層級。高廣隨位。各各相稱。以次類之。十地之位。他化天宮。其座高億萬億層級。彼天宮已超化樂故。第三禪中說十一地。又超二天。倍倍更高。十地品。不言佛座層級高廣之量也。但以次類之。此之四位。佛座高下層級不同者。以明隨十住。十行。十迴向。十地。進修階降。隨位所見。高下不同。以實而論。佛座高廣。無有決定大小高下可得。爲如來心量盡所繫故。無有量也。所招依果。亦不可以量度故。如無邊身菩薩。量佛身際。不可得故。已出情際心數量故。以此義故。住毛孔中。而身不小。居法界中。而身不大。爲情量盡故。身若隨類。及座高廣。座亦隨類。若以如來自報體而言。以法界爲座體。因旣如是。依果亦然。故亦非可量。如法界品中。等于法界座量爲定。三明座上莊嚴因果者。略有十種。皆以如來智隨萬行。一切處示成正覺爲因。一切處十種莊嚴爲依果故。十種如經。

第二釋莊嚴道場分竟。

# 大方廣佛華嚴經疏論纂要卷第三

五臺山清涼國師澄觀疏鈔 太原方山長者李通玄論 閩鼓山私淑比丘道需纂要  
世主妙嚴品第一之二

## ○第五明教主難思。

爾時世尊處于此座於一切法成最正覺。

疏教主難思者。前但云佛未顯是何身佛。又但云始成正覺。未知成相云何。故今顯之。謂具十種深廣功德。卽是遮那十種無盡法界身雲。徧於法界成正覺也。非權應身。文分爲二。先總後別。今初總辨。卽菩提身。具無盡德爲世所尊。座相現時。身卽安處。智處諸法。無前後故。於一切法示所覺境。卽二諦。三諦。無盡法也。成最正覺。示能覺智。開悟稱覺。離倒爲正。至極名最。獲得名成。此當相解。若揀別者。凡夫倒惑。佛覺重昏。二乘雖覺。不名爲正。但知法有。未知法空。但悟我空。未知我有。有厭生死。空該涅槃。顛倒未除。豈得稱正。設許稱正。亦未名最。菩薩雖正。有上有修。不得稱最。設位極稱最。亦未得名成。我佛獨能。故云成最正覺。謂如量如理。了了究竟。已出微細所知障故。翻如量覺俗。如理覺真。故涅槃云。十住菩薩。見不了了。行。二種子。三習氣。習氣種子。名爲微細。佛已盡故。

智入三世。悉皆平等。」其身充滿一切世間。」其音普順十方國土。

疏後智入下。第二別中。卽約十德別顯十身。文卽分十一三業普周。二威勢超勝。三福德深廣。四隨意受生。五相好周圓。六願身演法。七化身自在。八法身彌綸。九智身窮性相之源。十力持身持自他依正。今初。

卽別顯菩提身之相也。以成菩提時得無量清淨三輪故文中分二先法後喻。法中三先意次身後語。一三業普周者十中後五全十身名前五無有身言而義具之。一卽菩提身前總中已示。二卽威勢身三福德身四意生身五相好莊嚴身。今初意業卽釋上成正覺前云於一切法此云三世乃橫豎影略耳智入平等是正覺成也。智卽二智三智四智無障礙智二智者卽如理如量也。此復有二一以如量智達俗名入三世以如理智證眞名悉平等。言三智者卽俗智真智中道智也。言四智者卽圓鏡等四智也。言平等者鏡智離分別故依持平等。論云此智心品離諸分別所緣行相圓德現種依持故云依持平等意云雖言現行功德之依種子功德之持由無分別故得平等。平等性智證平等性故妙觀察智觀察平等成所作智。普利平等四智圓融無二性故修生本有非一異故不失經宗。四智圓融下解妨謂有難云四智菩提有爲云四智菩提性相二宗皆具有之但義小異耳用之無爽謂圓融無二是其一義故彼宗說四不得相雜今明一智便具四智故下出現以四寶珠喻其四智然上能覺卽成上菩提就其所覺卽法身也。理智無二爲眞法身。然上能覺下總結所以結者欲明一。二其身下身業也通三世間故云一切此正覺身以是十身之總故此其身通於三身十身無不充滿法身普偏世所同依故智身證理如理偏故色身無礙亦同理偏並是圓偏而非分偏謂一切世間一一纖塵等處佛皆圓滿總看亦現別看亦現。總看亦現者偏法界內唯一佛佛身充滿於法界故別看亦現者則向一一國土一一塵中現是現是也。又總別看者總則一身處處皆有別則支分眼耳鼻等。又國土等卽是我身土等體外無別我故各偏法界故現相品云佛眼云何無有量耳鼻舌身亦復然。我卽土等我之體外無土等故餘一身互望融攝猶多燈光各互相偏前明能偏三身非所偏土今明明一一身相融和雜偏故又上約佛身上十身謂菩提願化力莊嚴等今明三世間無礙之十身謂國土衆生等故十身相作於何不融故云猶如燈光經云譬如冥室百千燈。一燈光偏室內諸佛身智亦復然。一三其音下語業也順有三義一順異類言音經云一切衆生語言法一言演說盡無餘故二順所宜

說法。如來於一語言中。演說無邊契經海故。三則順徧。佛以一妙音。周聞十方國故。

譬如虛空具含衆像。於諸境界無所分別。又如虛空普徧一切。於諸國土平等隨入。

**疏**二譬如下。喻顯通喻三業。然佛三業非喻能喻。唯虛空真如。略可顯示。更以餘喻。便爲謗佛。

國然佛三業非喻能

實喻者。八十卷末云。三界有無一切法。不能與佛爲譬喻。譬如山林鳥獸等。無有依空而住者。虛空真如及所有施設譬喻。諸如來所有功德。一切皆是謗諸如來。除一喻。所謂虛空。可喻如來。戒等無量功德。同虛空故。然虛空喻有同不同。故下經云解如來身。非如

虛空。一切妙法所圓滿等。此顯不同。今分取同義。同義多種。如下十忍品。今有二喻。開成四義。一含攝喻。

兼無分別義。二普徧喻。兼徧入義。以此四喻。喻意業者。下經云。佛智廣大同虛空故。此總喻也。量智包含

而普徧。理智無分別而證入。又大圓鏡智。純淨圓德。現種依持。能現能生身土智影。即含攝義。下經云。菩

提智。普現一切衆生心念根欲等。而無所現。無所現言。無有分別平等性智。觀一切法。自他有情。悉皆平

等。亦無分別無分別言。顯無差別。故下經云。於一切義。無所觀察等。是以太虛含衆像。衆像不能含太虛。

太虛不分別衆像。衆像乃差別太虛。以況我法不能容佛智。佛智乃能容我法。有我法者。分別如來。是如

來者。不分別我法。二普徧喻中。妙觀察智。無不徧知。即普徧義。成所作智。曲成無遺。即隨入義。又下經云。

佛智廣大同虛空。普徧一切衆生心。此即智體徧悉了世間諸妄想。此約智用徧。又云得一切法界量等

心。此約證徧。智性全同於色性。故此約理徧。云何徧入。不壞能所有。證知故。故下經云。世間諸國土。一切

皆隨入。智身無有色。非彼所能見。故下經云。引證。即問明品。佛境甚深中。答佛境入文。然彼中意。入有

云非彼所能見。由隨於如。卽入無所入。故云平等。由隨於如。無所隨。故謂若有所隨。所隨則在能隨之外。能隨之法。乃在所如。

隨如外。所隨之如。不偏能隨。由無所隨。當體如矣。若約觀行。隨如之心不生。真順。是以虛空偏入國土。國土不偏入虛空。有國土處必有虛空。有虛空處或無國土。虛空之於國土平等。隨入國土之於虛空。自有彼此。虛空可喻佛智。國土可喻三世。三世有處。佛智必在其中。佛智知處。三世或無其體。佛智之於三世。平等隨入。三世之於佛智。自有始終。此猶約不二而二說耳。若二而不二。國土虛空。三世佛智。同一性故。皆互相入。舉一全收。普偏亦然。上但佛智偏三世。今明三世亦偏佛智。三世間圓融。則言思道斷。故名佛智爲不思議也。三世微塵數種種住。一一皆有偏照尊。在衆會中宣妙法。出現品云。如人持尺量虛空。復有隨行計其數。虛空邊際不可得。佛一毛孔無涯限。次下文云。一一毛端悉能含受一切世界而無障礙。皆毛舍法界義也。次以二喻喻身業者。一毛尙容法界。全分必含衆像。世界成就品云。一毛孔內難思利等。

出現身業第二喻云。譬如虛空寬廣非色。而能顯現一切諸色。而彼虛空無有分別。亦無戲論。合云。如來身亦復如是。一切衆生諸善根業。皆得成就。卽含攝義。而如來身無有分別。卽第二義。佛身充滿於法界。卽普偏義。又云。譬如虛空偏至一切色非色處。非至非不至。如來身亦復如是。偏一切法。一切國土等。卽普偏義。亦非至非不至。卽平等隨入義。亦非至非不至等者。謂無身故非至。非至卽平等。非不至卽不礙至。是隨入義。次以四義喻語業者。如來於一語言中。具一切語言故。舍支天鼓。無心出故。舍支天鼓者。卽證第二無分別義。此有二喻。一舍支音。於無邊世界中。恆轉法輪。二天鼓。卽出現語業。第三天鼓覺悟喻。結云。佛子。彼天鼓音。無主無作。無起無滅。而能利益無量衆生。下法合竟。結云。而如來音不住方所。無有言說。卽無心出義。又如隨好品。天鼓爲諸地獄天子說法云。諸天子。如我說我而不著我。不著我所。一切諸佛亦復如是。自說是佛。不著於我。不著我所。卽無心義。故諸論皆云。佛身如摩尼珠。如來音聲無不至故。如來音聲下。亦出現語業第一相。應知如來音聲無斷絕。普入法界故。又云。如來音聲無邪曲。卽平等義。隨其信解。令歡喜。

諸音現色。佛口如天鼓。無心出聲。皆無分別義。證第三普偏義。故此證

故卽隨入義。以空一喻。徧喻三業。故云正覺得無量清淨三輪。明文昭然。非是穿鑿。菩提身竟。

身恒徧坐一切道場。菩薩衆中。威光赫奕。如日輪出。照明世界。

疏第二身恆下。威勢身超勝。謂隨諸有情所樂。示現受用身土。影像差別。無不周徧。言一切道場者。略有十種。一智身徧坐法性道場。二法身。非坐而坐道場。三法門身。安坐萬行道場。四幻化身。安坐水月道場。此四義便故來。若正約威勢身。略辨六類道場。一徧一切同類世界道場。如名號品等說。二一切異類世界。謂樹形等。如世界成就品。三一切世界種中。四一切世界海中。並如華藏品說。五一切微塵中。文云。如此會見佛坐。一切塵中亦如是等。六刹塵帝網無盡道場。并前十種。故云一切。言菩薩衆中威光赫奕者。正顯威勢超勝。勝於勝者。故獨言菩薩。非不超餘。如日輪出。照明世界。約喻以顯。映山出沒。無隱顯故。處處全現。無異體故。喻徧坐道場。疏言菩薩衆中等者。卽以此文顯是威勢身也。映蔽菩薩故。映山出沒。即報身坐道場。以卽應卽真故。隨處卽全。皆無異體。大明流空。餘輝掩耀。赫日之照。難究其涯。喻彼威光。超映菩薩。菩薩不能測也。既云照世。則終益生盲。先照高山。獨言菩薩。三世所行衆福大海。悉已清淨。

疏第三福德身深廣。三世佛德。昔皆徧學。今三際已斷。垢習斯亡。故衆福皆淨。而恒示生諸佛國土。

疏第四隨意受生。一隨他意。處處受生。二隨自意。能無不生。謂慈悲般若。恆共相應。感而遂通。窮未來際。

疏四卽意生身。然意生有二義。一者是喻。猶如意去速疾無礙故。二者是法。自有二義。一隨自意。二隨他意。總謂隨意速疾而成故。

華嚴經疏論纂要卷三 世主妙嚴品第一 五教主難思 二威勢身超勝 三福德身深廣 四隨意受生卽意生身

無邊色相。圓滿光明。徧周法界等無差別。

**疏**第五相好莊嚴身色無盡故名色無邊。十蓮華藏微塵數相名相無邊而皆稱真則一一無邊諸相隨好放光常光皆稱法界故云圓滿廣處狹處皆圓現故名無差別。

演一切法如布大雲。

**疏**第六卽願身演法謂雨大法雨斷一切疑故下經云毗盧遮那佛願力周法界一切國土中恆轉無上輪然經二句上法下喻文含多意一雲喻於身雨爲說法法喻影略又先興慈雲後霆法雨一雲一雨所潤不同亦隨物機宜雲雨各異掩塵蔽日普覆無心等。

一一毛端悉能容受一切世界而無障礙各現無量神通之力教化調伏一切衆生。

**疏**第七化身自在謂於大衆會能現無邊作用差別皆自在故文中二先明廣容無礙謂於如來身一一毛頭容一切刹而無障礙無礙有二義一以一小毛現多大刹則一多大小無礙二此毛多刹與彼毛多刹參而不雜則隱顯無礙闕廣容無礙者謂法界如空有其二義一廣容後各現下普徧以廣容不礙普徧故還於前毛內刹中神力調生若廣徧十方示現種種變化三業成所作事居然易了以廣容下出毛所容利內若廣徧下二舉况釋謂尙徧毛內何況外耶疏文卽是成所作智之妙用也。

身徧十方而無來往。

**疏**第八法身彌縫以法爲身本來湛徧故無來往闕彌縫卽周徧包羅之義以法爲身等者先明法性身徧無來往依法現色還如法身在此卽是在彼亦不待往來此釋者由下以三身收之以此屬化身故。

智人諸相。了法空寂。

疏第九智身窮性相之源。相別曰諸性皆空寂。性靜故寂。相無故空。

三世諸佛所有神變。於光明中靡不咸覩。一切佛土不思議劫所有莊嚴。悉令顯現。

疏第十力持身。能持自他依正。於中先持正報。神謂妙智。變謂現身。轉變變現。俱名爲變。皆能持之。尙持於他。况於自事。後段亦然。國力持等者疏文有二。先正釋力持後以三。後一切佛土下能持依報。橫盡諸土。豎窮諸劫。所有嚴事。常持令現。上約十身。若約三身者。則初三段皆名報身。而恆下化身。身徧十方下。法身就報身中。前一自受用報。後二卽他受用報。故云處菩薩衆。以諸教中說三身四身成說等別。今皆圓融。於始成無不頓具。出收束所以謂有問言。何用更以三身收束十身。故今釋云。以諸教三四。迢然身四智創圓爲成。化身八相菩提樹下爲成。三身說異者。法身無說。報身佛佛相見。亦無有說。化身有說。若身攝未歸本。應化非真佛。亦非說法者。卽報身說。報同所證。是法身說。言四身成說異者。於報身中開自他受用。自受用偏法界成。則無所說。他受用爲十地成。爲十地說。十身爲正。三四義兼。又毛內調生。光中持刹。如空普偏等。亦卽國土等。十身三世間圓融。豈報化之云別。四融國土等十身。毛內調生。則有衆生身。聲聞身。緣覺身。菩薩身。及業來居然可見。三世間下。謂十身中衆生業報。卽衆生世間。國土虛空。卽器世間。餘是智正覺世間。此是知三情非情異。染非染異。尙得爲一。豈一如來身上而分報化之殊。明知權說隔歷。難可比此圓融。是知略以十德歎於教主。其一一德無不圓融。當去情思之矣。已上教主難思竟。

論第三爾時世尊處于此座已下。至所有莊嚴悉令顯現。明歎佛成道修行果滿依正報得悲智攝生自在無邊分。總明如來處座成佛。身語智等三業自在。眷屬莊嚴利生自在。如來所坐之座。以法界爲座體。以如來一切萬行報得爲依果莊嚴。如來是大智之身。緣座上所有莊嚴。皆是如來大智隨行任運報得。

華嚴經疏論纂要卷三 世主妙嚴品第一論 三明歎佛成道修行果滿依正報得悲智攝生自在無邊分

如龍遊雲起。虎嘯風生。報感之應然。非物能與爲也。成最正覺者爲簡非聲聞緣覺。於權教中木樹草座。厭俗出纏。令劣解衆生起三乘種。且拔分段苦。非究竟覺之正覺。簡非如是覺故。故言成最正覺。此正覺者不忻不厭。不出不沒。染淨情盡。以大圓鏡智稱法界性。自在教化。盡一切衆生世界刹海。皆非限劑。所有報境。身國相徹。圓滿十方。諸佛衆生。自他同處。互相參入。影現重重。不云報滿三千大千之刹。不云淨土在於他方。略說大相。有九十七種大人之相。隨好無盡。頂著華冠。項著纓絡。手著環釧。非同三乘。厭俗出家。勸諸菩薩生於他方佛國淨土。簡非如是。故言成最正覺。號毗盧遮那。此云光明徧照。佛以其大智。教光。依根破障故。如經一一自有其文。智入三世。悉皆平等者。明智能隨俗。言入三世。卽俗體本眞。故言平等。以總別同異成壞。六相義該括。卽總而全別。卽別而全總。卽同而俱異。卽異而恆同。卽成而俱壞。卽壞而俱成。皆非情計。一異俱不俱。有無非有無。常無常。生滅相故。如是皆是如來理智體用。依正悉自在。故以自體無念力。大智照之可見。此一段十三行經。總明如來身語智三業依正。隨用自在。經文自具。不煩更釋。第三明歎佛成道依正報得悲智攝生竟。

### 大方廣佛華嚴經疏論纂要卷第三

大方廣佛華嚴經疏論纂要卷第四

五臺山清涼國師澄觀疏鈔 太原方山長者李通玄論 閩鼓山私淑比丘道需纂要

世主妙嚴品第一之三

○第六明衆海雲集。衆雖深廣難測。略啓十門。一集意。二集因。三辨類。四定數。五權實。六地位。七前後。八有無。九聞不聞。十釋文。今初。

疏初來至佛所者。何所爲耶。有十義故。一爲影響。爲主伴故。二爲作輔翼。得圓滿故。如普賢等常隨之衆。三爲守護如來。如執金剛等。諸佛住處。常勤護故。四爲莊嚴。如道場神等。常爲嚴淨佛宮殿故。五爲供養。如偈讚。卽正行供養。華幢等。卽財供養故。六爲發起此經。諸請難者。卽其事故。七爲聞法獲益。當機領悟。卽其類故。八爲表法。諸首諸林。表信行等。皆同名故。及座出菩薩等。顯奇特故。亦通表萬行。俱成佛故。九爲順證。佛菩薩等。證說不虛故。十爲翻顯。卽聲聞不聞。顯法不共故。爲斯多意。所以衆海雲集。非唯證信而已也。釤一爲影響者。此集意中十意。皆暗取下經。此初義引。卽薩及下證法如來。皆互爲主伴。若影之隨形。響之應聲。餘可知。

○第二集因

疏集因有十一。曾與毗盧遮那如來同集善根故。二蒙佛四攝。曾攝受故。三往在生死。聞圓法故。四曾發大心護一切故。五往發大願。願事佛故。六隨逐如來無厭足故。七樂聞正法。心無倦故。八善能散滅我慢心故。九福智已淨。身周徧故。十同一法性。善根大海之所生故。爲此多義。得與斯會。中有集因。亦通集意。及隨諸衆。各有別因。可以思準。釤及隨諸衆各有別因者。卽下經文隨名歎德。

○第三辨類

疏辨類。卽上集意。便成十類。一影響衆。二常隨衆。三守護衆。四嚴會衆。五供養衆。六發起衆。七當機衆。八表法衆。九證法衆。十顯法衆。準前可知。

○第四定數

疏定數者。稱法界衆焉能數知。卽文而言。九會都數。總有一百七十五衆。都序之中。有四十一衆。謂同生有一異生三十九。師子座中一。若兼取前菩提樹中所流。及宮殿中無邊菩薩。總四十三衆。此四十三徧於九會。第一會中有二衆。謂新集十方衆。佛眉間衆。添成四十五。第二會有新舊二衆。第三四會各有四衆。謂新舊及證法衆。天衆。第五會一百一十一衆。謂新舊衆。昇天品內供養衆有一百七。并天衆。證法衆。第六會四衆。謂天衆。同生異生。證法衆。七八兩會各唯一衆。謂普賢等舊衆。第九會三衆。謂菩薩。聲聞。及天王等舊衆。舊衆雖重。隨會別故。並皆取之。然此諸衆。或總爲一二乘衆故。或分爲二。以有實衆。及化衆故。或可爲三人。天神故。或爲四佛。菩薩人。非人故。或五。非人開天神故。或六。加畜生故。或七。天分欲色故。或八。菩薩有此界他界故。或九。他方有主伴故。或十。加聲聞故。或一百七十五。如前說故。或無量無邊義。類多方故。一一或以刹塵數等爲量故。又如新集菩薩。毛光出衆。例上皆爾。故一一衆。皆無分齊。此猶約相別。若融攝。一一會中皆具一百七十五衆。以稱法界緣起之會。互相在故。上且約一界。若通十方。及異類。刹塵帝網。無盡無盡。是爲華嚴海會衆數。

○第五權實

疏權實者。夫能對揚聖教。影響其迹。靡不是權。當機之流。多皆是實。諸教所明。穢土之中。雜類菩薩聲聞。皆通權實。地前是實。地上是權。法身無生。生五道故。淨土菩薩唯實。實報生故。雜類聲聞是權。攝論云。欲令淨土不空。化作雜類衆故。若依此經。同生異生。皆通權實。海印定現。實德攝故。隨緣隨位而示現故。第二會初云。莫不皆是一生補處故。對前十類辨權實者。影響一衆。自有二類。一果德衆。謂能加證法諸佛。互爲主伴。非權非實。若位極菩薩。影響一向是權。故有經云。昔爲釋迦師。今爲佛弟子。二尊不並化。故我爲菩薩等。當機唯實。餘八通權實。國對前十類下。對前別辨。云互爲主伴。非權非實者。然權實有其二類。一本高迹下。如佛爲菩薩。二本下迹高。如菩薩爲佛。今既是佛。則非迹下。實是如來。又非本下。則是實非權。無權可對。故亦非實。同果海故。

### ○第六地位

疏地位者。有說一切皆是果位。以是舍那海印現故。或說一切皆因。果海非可見聞。世尊亦是因者。識所現故。或皆通因果。果不捨因。隨類現故。因位願力助佛化故。當機之流。正修趣故。或俱非因果緣起大衆。同真性故。將此對前權實。則果位一向權。因位通權實。若對前十類。影響證法通因果。餘八唯因。因位高下。難以準定。

### ○第七前後

疏前後者。初列菩薩。後列餘衆者。表從本以起末。下讚卽後明菩薩者。表尋末歸本。良以本末無二。故二文互舉。又從本流末。必先小後大。故自在天爲末。攝末歸本。必從深至淺。故先明自在。然皆顯法界緣起。逆順自在故也。又表四十二位。一一皆徹因門。並該果海。故互舉前後。令物不作優劣之解。國又從本下。通妨謂

天大。所自末三以有難讚。次攝在卽乘先明言。是緣末讚後中欲就所覺。攝何耳初界前攝次末以攝於後列中之攝必雜末鹿列中。中聲從類歸苑初既先聞勝之本轉禪菩薩爲攝次先中者於二禪爲勝攝先又四禪爲也天如明有諦等本末人海自難漸耶雜明一攝在言次是類月毫百讚讚歸則爲天之川耶德大先末等善必故之故小先表無先今中先後本所不攝答表列大後攝皆江云尋欲矣末之攝次末歸後今合中故攝末歸本列答諸後先大歸本後色云天收明河本後色云天劣自次必明界菩之也在攝從菩如薩內。小深薩次爲從河至者而本自次淺則上猶在攝謂合故如天溝菩先云一次洫薩明先乘明廣攝所月後類果歸歸天大爲次一之讚故末列乘本末自如流禪等先雜攝類方爲三乘何權是明末乘何

○第八有無

疏有無者亦有十類。一約界無無色。二約趣無地獄。此二非器故。若約轉生有地獄天子。若約所益亦通無色三界皆益故。三約洲但列闍浮餘三略無故。或成難故。四約乘無二乘不共教故。下爲顯法亦不見聞故。智度論云。若小乘經初唯列聲聞。若大乘經初俱列菩薩聲聞。若一乘經初唯列菩薩。故指此經爲不共教。或大乘經唯列小者爲引攝故。如金剛經或唯列大亦屬大乘。主伴具者必是一乘。五約部無四衆。未說小教故。六約主無人王。王未知故。七約三聚無邪定。彼障隔故。生盲之流。但冥益故。八約內外無外道。非彼測故。九約諸天無無想。入邪定故。十約善惡無惡魔。不爲違害。天中攝故。上十且隨相說圓融應有卽無所不具。

○第九聞不聞

**疏**聞不聞者。約權。前後皆互得聞。約實。當會自聞。縱不起前而趣於後。亦各不相知。若約頓機許一時頓領。縱不起前而下通。妨謂有問言。若約實衆不互聞者。如來說法。既不起前而趣於後。如何聽衆不得互聞。故今答云。約佛前後圓融。約根互不知覺。故法慧云。一切閻浮提皆言佛在中。我等今見佛住於須彌頂。則知各不相知也。上之九門。且從顯著略爲此釋。中本廣本。或隱或顯。不可執文。

## ○第十釋文。

疏釋文者。第一會中。前總四十衆。大分爲二。初一同生。餘是異生。地論云。解脫月是同生衆故。又云。同生衆請。則知兼有地前明知不約地位。餘釋云云。不符論意。云何名爲同異生耶。然有二義。一謂雜類。作諸異生種種形故。菩薩得法性身。同人作一類菩薩形故。二菩薩爲同者。通諸位故。神等爲異。法界差別德故。四十衆以配三賢十聖。下師子座衆以配等覺。眉間出衆以配妙覺。則四十二衆配四十二位。於理甚直。其四十衆文皆有三。一標數辨類。二列名結數。三攝德周圓。今初同生衆中。第一標數辨類。

## 有十佛世界微塵數菩薩摩訶薩所共圍繞。

疏初標數中。佛世界者。世界略有三類。一世界。二種。三海。今云世界。則非種非海。權實共許一三千界。一佛化境。故或名佛刹。佛土。皆準此也。微塵者。七極微量也。謂抹三千界並爲微塵。一塵爲一菩薩。則數已難量矣。况舉十數。表無盡耶。菩薩摩訶薩者。辨類也。卽揀非餘衆。具云菩提薩埵。摩訶薩埵。今從略耳。然有三釋。一菩提是所求佛果。薩埵是所化衆生。卽悲智所緣之境。從境立名。故名菩薩。二菩提是所求之果。薩埵是能求之人。能所合目。故名菩薩。三薩埵此云勇猛。謂於大菩提勇猛求故。摩訶云大。大有四義。一者願大。求大菩提故。二行大。二利成就故。三時大。經三無數劫故。四德大。具足一乘諸功德故。前二通地前後。二或唯地上。更有諸大。亦不出此。此等並是舍那佛自眷屬。動止常隨。故云所共圍繞。

## ○第二列名結數。

其名曰。普賢菩薩摩訶薩。』普德最勝燈光照菩薩摩訶薩。』普光師子幢菩薩摩訶薩。』普寶燄妙光菩

薩摩訶薩。』普音功德海幢菩薩摩訶薩。』普智光如來境菩薩摩訶薩。』普寶髻華幢菩薩摩訶薩。』  
普覺悅意聲菩薩摩訶薩。』普清淨無盡福光菩薩摩訶薩。』普光明相菩薩摩訶薩。』海月光大明菩薩  
摩訶薩。』雲音海光無垢藏菩薩摩訶薩。』功德寶髻智生菩薩摩訶薩。』功德自在王大光菩薩摩訶薩。  
善勇猛蓮華髻菩薩摩訶薩。』普智雲日幢菩薩摩訶薩。』大精進金剛臍菩薩摩訶薩。』香燄光幢菩薩  
摩訶薩。』大明德深美音菩薩摩訶薩。』大福光智生菩薩摩訶薩。』如是等而爲上首。有十佛世界微塵數。  
**疏**先列其名。後結略顯廣。今初夫聖人無名。爲物立稱。雖得名千差。而多依行德。行德皆具。而隨宜別標。  
先十同名普者。顯具法界總相德故。後十異名者。顯具法界別相德故。總別相融。同一法界。今初十名之  
普。是別之總。普下十異。顯卽普能別。普義方成。此是古今諸佛同行普賢之行。隨於諸位。差別不同。縱成  
正覺。亦普行攝。故先明之。言普賢者。體性周徧。曰普。隨緣成德。曰賢。此約自體。又曲濟無遺。曰普。隣極亞  
聖。曰賢。此約諸位普賢。又德周法界。曰普。至順調善。曰賢。此約當位。又果無不窮。曰普。不捨因門。曰  
賢。此約佛後普賢位中普賢。悲智雙運。佛後普賢。智海已滿。而運卽智之悲。寂而常用。窮未來際。又一卽  
一切曰普。一切卽一曰賢。此約融攝。所以先列者。爲上首故。法門主故。法界體故。一切菩薩無不乘故。無  
一如來非此成故。令諸聞者。見自身中。如來藏性。行普行故。上雖多義離釋。今從別稱合釋。無處不賢。名  
曰普賢。卽體普也。此一爲總。餘九爲別。』二德普。謂稱性之德。充於法界。以爲最勝。委照無遺。如燈之光。』  
三慧普。徧照嚴刹。決定高出故。』四行普。內行圓淨。智燄外燭。故稱爲妙。』五音普。具一切音。演佛淨土。深  
廣高出之行故。』六智普。照佛法界無盡境故。』七心普。智寶嚴於心頂。通行等華。高出物表故。』八覺

普偏覺性相聲皆悅機。故無不歸者。』九福普障無不淨。稱真無盡故。』十相普無光相之光相。偏益衆生故。六相圓融思之。』二海月下十異名菩薩。一海月光大明者。十德十山皆依大海。十地十度皆依佛智。海中看月淨而且深。依智嚴刹深而且淨。如海卽大。如月卽明。故名之。』二講如雷震。故曰雲音。辯才汎灑。猶如海光。又海上有光。天涯無際。佛智起用。一念普周。淨惑無窮。名無垢藏。』三修治二嚴。猶如淨寶。祕密高顯。故有髻言。』四法王出現。作用自在。二嚴圓滿。爲功德光。』五勇猛化生。不染化相。兩法玄妙。如解髻珠。』六慈雲智日。互相資映。長劫普應。高出如幢。』七堅利智慧。與精進俱。故得稱大智。爲行本。若臍爲壽因。』八戒等行發。是爲香燄。種智高直。故曰光幢。』九智光偏照。是大明德。稱真適物。名深美音。』十大智發光。偏照佛境。令福非福相。所亦稱大。園所亦淨源疏注及續藏作。』二如是等下。結略顯廣。

### ○第三攝德圓滿。

此諸菩薩。往昔皆與毗盧遮那如來共集善根修菩薩行。皆從如來善根海生。

**疏文二**初別歎勝德。後總結多門。初中亦二。初二句就緣歎。餘就行歎。今初。初句往因同行。顯主伴有由。後句從德海生。明長爲輔翼。言毗盧遮那者。毗卽偏也。盧遮那光明照義。迴就方言。應云光明偏照。然有二義。一身光。偏照盡空法界乃至塵道。二智光。偏照眞俗重重法界。身智能所合爲一身。圓明獨耀。具德無邊。故立斯號。又毗者種種義。盧遮障義。那者盡義。入義。卽種種障盡。種種德圓。故普賢觀經云。釋迦牟尼。名毗盧遮那。偏一切處。卽身亦偏。非唯光偏。又云其佛住處。名常寂光。卽土亦光矣。又云常波羅蜜所攝成處。我波羅蜜所安立處。卽德圓義。又云淨波羅蜜滅有相處。卽障盡義。又云樂波羅蜜不住身心相。

處。不見有無諸法相處。卽證入義。又云。如寂解脫。乃至般若波羅蜜。是色常住法故。明皆卽應卽真爲本師矣。此經文證。本品當辨。翻又毗者種種下釋毗盧名。以梵語多含故。有此釋。下後引經具釋。然彼經云。釋迦牟尼。名毗盧遮那。偏一切處。其佛住處。名常寂光。常波羅蜜所攝成處。我波羅蜜所安立處。淨波羅蜜滅。有相處。樂波羅蜜不得身心相處。不見有無諸法相處。如寂解脫。乃至般若波羅蜜。是色常住法故。但觀經文。言共集善根。卽備道資糧。修菩薩行。卽作所應作。云何共集。互爲主伴故。主伴有三。一迴向主伴。二同行主伴。三如相主伴。皆稱共集。主伴有三者。一迴向主伴。所修善根。互相迴向故。今成佛遞後爲主伴。二同行者。同修禪戒等行。三二俱稱性。居然相收。後句言善根海生者。謂佛德無邊。積妙法寶。智定盈洽。故稱爲海。從生有四。一從自佛善根海生。謂已圓十身故。二從本師海生。佛爲勝緣。曾已攝受授法。令行得成滿故。三與遮那同於餘佛海生。以上云共集故。四從法性佛海生。以上德海。諸佛共同平等一味。但稱性修。卽是從生。不揀自他故。梵本云。與佛同一善根海生。從自佛者。由普賢等自圓十身。十身之中有如來身。依於佛身起菩薩用。云從彼生。

諸波羅蜜悉已圓滿。慧眼明徹等觀三世。於諸三昧具足清淨。

疏第二就行德以歎。夫大士必崇德廣業。虛心外身。崇德故進齊佛果。廣業故行彌法界。虛心故智周萬法而不爲外身故。功流來際而非已。故德難名矣。翻崇德廣業者。周易上繫云。子曰。易其至矣乎。夫聖人所以崇德而廣業也。虛心外身者。卽老子意。彼云。虛亡身爲物。一向利他。故下經云。菩薩所修功德行。不爲自己及他人。但以最上智慧心。利益衆生。故迴向意也。略分爲三。一明自分因行德。二勝進果行德。三二行無礙德。初中亦三。一自利行圓。二利他行滿。三證理位極。今初有三句。一諸度行圓。謂六度。十度。八萬四千。多劫積集。究盡事理。故云圓滿。二慧眼下。十眼明徹。分別名慧。照矚稱眼。障翳斯盡。智無不矚。故云明徹。五眼之中。慧眼觀理。理無異味。故云等觀。

十眼之中。慧眼觀事。事無不見。故名等觀。是則委見其事爲明。深達其性爲徹。欲以一眼合諸。具通事理。但舉其慧。三於諸下。深定已滿。三昧者。此云等持。遠離沉掉。平等持心。趣一境故。而云諸者。其餘諸緣。亦一境故。真如三昧爲其定體。隨境入別。塵數多端。故云諸也。橫則無定不窮。豎則深入無際。故云具足。定障永亡。故云清淨。

辯才如海。廣大無盡。』具佛功德。尊嚴可敬。』知衆生根。如應化伏。

疏第二辯才下。利他行滿。有三句。卽三輪化益。一語含四辯。卽正教輪。辯謂巧顯深理。才謂巧應機宜。萬法咸演。則廣大無涯。千難殊對。則無竭盡。故如海也。又海遇風緣。則洪浪雲涌。智逢機請。則口辯波騰。請者旣許無邊。辯亦廣大無盡。』二具佛下。身業。神通輪。謂三業無失。智深叵撓。爲具佛功德。故得外儀儀。若肅然可敬。』三知衆生下。意業。記心輪。根義總明。文含性欲。言如應者。根有生熟。化不失時。器有大小。授法無謬。化謂教化。卽應攝受者而攝受之。伏謂調伏。卽應折伏者而折伏之。由此具行入正法故。翻卽受下。卽勝鬘經文。由此具行入正法故者。卽取意結之。彼云。折伏攝受。令正法久住。多分折伏剛強。攝受柔弱。

入法界藏。智無差別。』證佛解脫。甚深廣大。能隨方便入於一地。而以一切願海所持。恒與智俱。盡未來際。

疏第三證理位極。亦三句。一證理法。謂以大智。證入平等真法界藏。依佛性論說。有五藏。一如來藏。謂在纏含果法故。二自性清淨藏。謂在纏不染。三法身藏。謂果位爲功德所依。四出世間上上藏。謂出纏。超過二乘菩薩。五法界藏。謂通因果。外持一切染淨有爲。故名法界。內含一切恆沙性德。故復名藏。此義寬通。





了達諸佛希有廣大祕密之境。』善知一切佛平等法。』已踐如來普光明地。』入於無量三昧海門。』於一切處皆隨現身。世法所行悉同其事。總持廣大集衆法海。辯才善巧轉不退輪。

**■**第二明勝進果行。分二。一得果法。二起果用。今初有四句。一入佛密境。此有二意。一佛卽密境。以三業具。非餘測故。謂非色現色。摩尼不能喻其多。非量現量。應持不能窮其項。不分而徧。一多不足異其體。全法爲身。一毛不可窮其際。此身祕密也。佛言聲也。非近非遠。目連尋之無際。身子對而不聞。非自非他。若天鼓之無從。猶谷響而緣發。無邊法海。卷之在一言。無內圓音。展之該萬類。是謂佛口密也。意則無私。

成事。等覺尙不能知。密之至也。皆廣大無涯。超絕奇特。故云希有。二佛之密境。謂卽一乘。如來知見禪定。解脫深入無際。帝網之境。時乃說之。故云希有。久默斯要。甚爲祕密。又權實隱顯。唯佛方知。故云祕密。今洞見其源。故云了達。』二善知下。入平等。亦有二意。一佛佛平等。謂一切諸佛體性平等。法身無二。故智慧平等。德無增減。故內用平等。悲願普應。故二者佛所證法平等。卽第一義。此二無二。稱此而了。故名善知。』三已踐下。明得佛位。謂佛有十地。如大乘同性經說。一甚深難知廣明智德地。乃至第十名毗盧遮那藏海智地。此十同是佛地。約德用成別。今普光明當其第一。普卽廣義。光明卽明。甚深難知此文雖略。義在普中。舉初攝後。理實皆踐。又普光明亦十地之總。總不出於普法智光故。困難知廣明地。二清淨身分威嚴不思議明德地。三善明月幢實相海藏地。四精妙金光功德神通智德地。五火輪威藏明德地。六虛空內清淨無垢燄光開相地。七廣勝法界藏明界地。八最勝普覺智藏能淨無垢偏無礙智通地。九無邊億莊嚴迴向照明地。十毗盧遮那智海智藏地。釋曰。』四入於下。證佛三昧。謂海印等定。皆深廣如海。並通一實。故得稱門。』第二於一切下。明起果用。文有三業。一現佛身業。徧世同事。二同佛意業。總持大法。三得佛語業。能轉法輪。不退有四。一稱理不退。無改說故。二應機不退。無虛發故。三利益不退。聞已必定故。四制伏不退。天魔外道不能動故。復有四種不退。謂信位。證念。今當第四念不退也。不退有四等者。此有兩種。四不退退義。前義卽十地論一向約利他大用而說。後四不退如常所辨。信謂十信已滿十千劫故。亦是第六不退心也。位卽十住第七不退住。不退墮聲聞辟支佛地。故名位不退。證謂初地已證真如。已得不退念。卽第八地已上。念念入法流。第二勝進果行德竟。

一切如來功德大海。咸入其身。』一切諸佛所在國土。皆隨願往。』已曾供養一切諸佛。無邊際劫。歡喜無倦。』一切如來得菩提處。常在其中親近不捨。』恒以所得普賢願海。令一切衆生智身具足。○成就如是

無量功德。

疏第三二行無礙德。謂引攝佛德。不礙修因。故文有五句。一引攝佛德。然有二義。一則行成攝果。二則諸佛同加。二一切下。隨佛徧生。不揀淨穢也。三已曾下。供佛集福。十方無邊。三世無際。此一切佛皆供養故。歡慶有遇。不住福相。故長時無厭。四一切下。長爲輔翼。義通真應。五恆以下。悲願調生。不以偏小利物。唯以同體普願攝物。令證菩提。方顯智體圓足。○第二大科。總結多門。無得而稱也。菩薩之德。言不可周。宜以類取。故云如是無量。

第三二行無礙德竟。國上八字應移

已上同生衆竟。

論第四從有十佛世界微塵數菩薩已下。至無量功德。於中有三十行經。五百一十一言。明菩薩大衆圍遶分。於此分中。都顯初會總有四十七衆。皆是圍遶。皆有其意。於此四十七衆之內。從初菩提樹內流光衆已下。至普賢等十箇上名。悉同名之爲普衆。具分爲三。一菩提樹內流光衆。是明本因五位進修建行利生成報顯因衆。二如來所居宮殿內衆。明佛本因大悲圓滿覆育含生利生之行顯因成報衆。三十佛世界微塵數菩薩衆中。普賢等上名悉同。同名爲普十箇菩薩衆。明古今諸佛共行普賢行衆。已上三衆。皆是古今諸佛。共行萬行。大悲大智。隨五位中進修自利利他十波羅蜜。四攝。四無量等之常行。普賢之道也。一切菩薩以此爲體。一切凡夫以此爲所乘。如大王路。法則當然。行與不行。非道之異。從此十普賢衆已下。至從三十三天王。至大自在天王衆已來。隨位復分爲五。第一從爾時世尊處於此座成最正覺。并十普賢衆。此是現果成因生信分。何以然者。爲如來是正覺之果。普賢等衆。是佛行果。如來所居華藏淨土。是佛報得依果。一切衆生以自根性。觀如來三種因果。及行佛自行普賢門而生信心故。

若不如是。從何生信。是故如來以此三種因果。而令衆生信樂修行。以是義故。此之初會。及普光明殿中。第二會。至賢首品已來十二品經。總是舉果勸修生信分。第二從海月光大明菩薩等已下菩薩衆。并取已下第二執金剛神等九衆諸神。以明十住因果。何以然者。海月光大明菩薩。亦是普賢等衆。分爲異名。意者明還以佛果位內普賢行門。入俗利生。隨行名別。旣以佛果位內諸佛共行普賢法。入俗利生。所堪利者。還得舊法。不移舊行。以是義故。還以普賢位內海月光異名菩薩。便爲十住初心。明從凡夫地。修學十信心。信諸佛正覺之果。無異自心。本性清淨。如諸佛性。所有分別本性清淨。名無依住智。如諸佛根本智。以禪波羅蜜無作印印之。卽法界性自然相稱。所行諸行。卽普賢行故。動靜無二故。所轉法輪。卽與十方諸佛智契同不異。如是修習。慣習使熟。正覺不移。其本一故。會同諸佛舊覺本智。同一性故。行行不移。舊普賢行故。以是義故。將普賢衆內十箇海月光等異名菩薩衆。爲成十住初心。明十住初心不離舊法智故。以此下文初發心時。便成正覺。已下通九衆諸神。至主藥神等。明是入十住之果行也。爲人十住應真。稱之爲神。明入住菩薩。以自應真。法合爲神。覆育含識。故以智靈通。救生自在。故稱之爲神。非世鬼神也。若自心達理。不與妄合。其智自神。不爲不思而智通萬有故。此諸神衆。皆是如來以五位行攝。生得益之衆。還將行相法門次第作法樣式。令其後學者。一一倣之。善知因果故。第三從主稼神已下。至主畫神。此十衆諸神。明十行利生法門因果故。第四從阿修羅王已下。至日天子中有十衆。明十迴向利生法則因果。第五從三十三天王已下。至大自在天王。於中有十大天王。明十地利生因果。已上五衆。是寄位表佛果五位行門因果故。爲利衆生故。寄位顯法。寄位入法。與衆生作法樣。令衆生證修。從

華嚴經疏論纂要卷四 世主妙嚴品第一 論 四明菩薩大衆圍繞分

如來座內衆。至如來眉間毫相中所出衆。於中有四種衆。其意如何。第一如來座內衆。明是如來往昔自行。與古同因彰果衆。二十方菩薩來集興供衆。三諸來菩薩毛孔光明衆。是法界性起無礙。一多同異自在。大悲無盡不思議衆。明此法界門。法爾如此。體本如是。法行依正。重重無礙。以法界智境身土。一多法爾相容故。四如來眉間毫中衆。是示果成因生信利生衆。此是成佛已後。以十信心位乃至十住。十行。十迴向。十地。十一地。徧法界法門衆。舉此自修之因果。還令學者倣之。已上諸衆。配位及來意。卽通前樹內流光衆宮殿樓閣衆。總有十一衆。隨位別配。卽四十七衆。爲五位之內十箇普賢。總爲一衆。當位不分七十部類。故海月光大明菩薩衆。及已下神天。十住。十行。十迴向。十地。各各有十種部從。都爲四十。通十普賢爲一衆。取上四十。共爲四十一。并菩提樹內流光衆。如來所居宮殿衆。如來座內衆。十方諸來菩薩衆。菩薩毛孔衆。如來眉間毫中衆。都爲四十七衆。且長科衆意如是。菩提樹內衆。如來宮殿內衆。前已釋訖。餘至文方明。第四明菩薩大衆圍繞分竟。

大方廣佛華嚴經疏論纂要卷第四

## 表解附錄一：《大方廣佛華嚴經》簡介

〔請參閱《纂要》倡印序第一頁〕

《大方廣佛華嚴經》，又稱《華嚴經》、《雜華經》，乃大乘佛教重要經典之一。我國華嚴宗即依據此經，立「法界緣起」、「事事無礙」等妙義為宗旨。

本經係世尊成道後之第二七日，於菩提樹下，藉文殊、普賢等諸大菩薩而宣說如來自內證法門。此一華嚴經教乃教法中之「根本法輪」，故稱「稱性本教」。又屬「頓教法門」，亦稱「初頓華嚴」。內容敘述佛陀之因行、果德如雜華莊嚴，廣大圓滿，並開顯出「重重無盡」、「事事無礙」之法界妙旨。

本經之三種譯本，表解說明如下：

譯本	又稱	卷數	品數	偈數	譯者	譯出年代	主要註疏
(3)四十華嚴	(2)八十華嚴	(1)六十華嚴					
大方廣佛華嚴經入不思議解脫境界品 、貞元經	新華嚴、 唐譯華嚴、 唐經						
四十卷	八十卷	六十卷	三十四品	三萬六千偈	北天竺三藏法師 佛陀跋駄羅	晉安帝義熙十四年 至晉恭帝元熙二年 (四一八〇)	◎華嚴經搜玄分齊通智方軌 (智儼) ◎華嚴經探玄記(法藏)等
一品	三十九品						
一百偈 一萬六千七	四萬五千偈						
罽賓國三藏法師 般若	于闐國三藏法師 實叉難陀						
唐德宗貞元十二年至貞元十四年 (七九八—八〇六)	周則天武后證 聖元年至聖曆二年 (六九九—七〇〇)						
◎◎華嚴經行願品疏(澄觀) 華嚴經普賢行願品別行疏 鈔(宗密)等	◎◎華嚴經疏、鈔(澄觀) (李通玄)						

## 表解附錄二：《華嚴經》處會品目一覽表

分解生果契因修					分生勸舉信樂果	四分
周果因別差					周因所信	五周
因別差						七處(九會)
(天兜率五宮會)	(天夜摩四會)	(天宮利三會)	(明普二殿光會)	(場菩提初會)	七處(九會)	
光膝放輪兩	光足放趺兩	光足放指兩	光足放輪兩	間光放光眉齒	放如來	
會薩幢金主為菩剛	會薩林功德主為菩德	主為菩法會薩慧	主為菩文會薩殊	主為菩普賢會薩賢	會主	
昧光薩入三智菩	三思薩入昧惟善菩	昧便量入三方無	位未定不文故入信入殊	昧身盧入三藏毗	入定	
門向十法迴	法門行	法門住	法門信	因依如遮毘盧那	所說法門	
(卷12)品3共	(卷3)品4共	(卷3)品6共	(卷4)品6共	(卷11)品6共	(卷數)	
^{十迴向品}^{中偈讚品}^{第十五}^{第二十四}	^{昇兜率天宮品}^{第十九}^{第二十}	^{昇夜摩天宮品}^{第十三}^{第十四}	^{須彌頂上山頂品}^{第十七}	^{如來名號品}^{第七}	品目別	
23 33	23 20	22 19	19 19	18 17 17 16 16 16	14 14 13 13 12 12 15	{80) 卷別
果因位六明徧一第						註

(二) 錄附

## (二) 錄附

分德成入證人依			分成進託行修法									
周果因入證			周因成 果行	周因平 因果等								
林多逝(會九)			明普 殿光 (八 殿會)	明普 殿光 (七 殿會)								天他 宮化 (六 會)
會末	會本											
光毫白間眉放			無	光口、光間眉放								相間放 光毫眉
普重 因示	主為善 會友	主為如 會來	主為菩 薩賢	主會為來如								會薩藏金 主為菩
昧三申頻子師入			三華入 昧嚴佛	昧三際那刹入								三光智薩入 昧明慧大菩
入證成行			大普 行賢	門法覺二妙、等								法十 門地
界法因	界法果	覺妙										
(卷21)品1共《80》 (卷40)品1共《40》			(卷7)品1共	(卷13)品11共								(卷6)品1共
十大願王	^入法界品^ 爾時文殊師利童子從善住樓閣出 第三十九	^入法界品^ 第三十九	離世間品 第三十八	如來出現品 第三十七	如來隨好光明功德品 第三十六	如來十身相海品 第三十五	佛不思議法品 第三十四	諸壽量品 第三十三	阿僧祇品 第三十二	十通定品 第二十一	地第廿九 第三十	^十地品^ 第二十六
40	《40》《80》 4 61 39 80 下	《40》《80》 1 60 3 61 上	53 59	50 52	49 47	48 47	46 43	45 43	45 43	44 40	44 39	34 39
果因位六明徧番三第			果位明番第 因六徧二									

華嚴經疏科文

附錄 華嚴經處會品目一覽表

三

## 表解附錄三：《華嚴經》各會「第一品經」之「品首經文」對照表

〔請參閱《纂要》一七頁，七（九行）〕

會別	品別	品首經文	《纂要》頁次
初會	世主妙嚴品第一	【一時佛在摩竭提國阿蘭若法菩提場中，始成正覺。】其地堅固，金剛所成。	頁 34 〔 35
二會	如來名號品第七	【爾時世尊在摩竭提國阿蘭若法菩提場中，始成正覺。】於普光明殿，坐蓮華藏師子之座。	頁 403
三會	昇須彌山頂品第十三	【爾時世尊不離一切菩提樹下，而上升須彌，向帝釋殿。】時天帝釋，在妙勝殿前，遙見佛來，即以神力莊嚴此殿，置普光明藏師子之座。	頁 625 〔 626
四會	昇夜摩天宮品第十九	【爾時世尊不離一切菩提樹下，及須彌山頂，而向於彼夜摩天宮寶莊嚴殿。】時夜摩天王遙見佛來，即以神力，於其殿內，化作寶蓮華藏師子之座。	頁 779
五會	昇兜率天宮品第二十三	【爾時世尊復以神力，不離於此菩提樹下及須彌頂、夜摩天宮，而往詣於兜率陀天，一切妙寶所莊嚴殿。】時兜率天王遙見佛來，即於殿上，敷摩尼藏師子之座。	頁 921
※以下乃《疏鈔》六會〔九會之「第一品經」之「品首經文」對照表			
六會	十地品第二十六	爾時世尊在他化自在天王宮摩尼寶藏殿，與大菩薩眾俱。	
七會	十定品第二十七	爾時世尊在摩竭提國阿蘭若法菩提場中，始成正覺。於普光明殿，入剎那際諸佛三昧。	
八會	離世間品第三十	爾時世尊在摩竭提國阿蘭若法菩提場中普光明殿，坐蓮華藏師子之座。妙悟皆滿，二行永絕。	
九會	入法界品第三十	爾時世尊，在室羅筏國，逝多林給孤獨園，大莊嚴重閣，與菩薩摩訶薩五百人俱。普賢菩薩、文殊師利菩薩而為上首。	
頁 2219 〔 2220	頁 2053	頁 1692 〔 1693	頁 1275 〔 1276

## 表解附錄四：《論》之〈世主妙嚴品第一〉之「莊嚴道場分」

〔請參閱《纂要》四三頁（四四頁）〕

※論云：從「其地堅固」下，至「妙音遐暢，無處不及」是「莊嚴道場分」，此一段文中，明如來本性中行四種因，感四種果報。……列表如下：

編號	經文	論文	果	因	二	一	三	四
			其地堅固，金剛所成。……	法身	萬行	地嚴	大悲	大智
			寶樹行列，枝葉光茂。佛神力故，令此道場一切莊嚴於中影現。其菩提樹，高顯殊特。……	①大悲含育德	殿嚴	樹嚴	宮殿嚴	周遍利生德
五	如來所處宮殿樓閣，廣博嚴麗，充遍十方。……	如來自行普賢行為因，所招寶樹行列，莊嚴金地，周遍十方為依果。	其師子座，高廣妙好。……	②正智利生德 ③以智觀照利益自他德 ④以大智知根設教益生德 ⑤以大悲弘願周遍利生德	宮殿嚴	閣嚴	樓嚴	師子座嚴
	如來大悲為因，如來所處宮殿為依果。	智通萬行，出現世間示成正覺為正因，師子座為依果。						

華嚴表解二：《華嚴經》處、會、品目一覽表


〔請參閱《纂要》P.一一七〕

分生契修(2) 解因果、					分生勸舉(1) 信樂果、	四分
周因差(2) 果別					周因所 果信	五周
因別差						
兜率天宮 五會	夜摩天宮 四會	忉利天宮 三會	普光明殿 二會	初會 菩提場	七處九會	品目別
會薩主為菩 幢金	會薩主為菩 林功德	主為會菩薩 法慧	主為會菩薩 文殊	主為會菩薩 普賢	會主	品數(卷數)
十迴向法門	十行法門	十住法門	十信法門	依正因果 毗盧遮那如來	所說法門	〔十一卷〕
〔十二品 共三品 十二卷〕	〔三卷 共四品〕	〔三卷 共六品〕	〔四卷 共六品〕	〔如來名號品〕第七 〔四聖諦品〕第八 〔光明覺品〕第九 〔菩薩問明品〕第十 〔淨行品〕第十一 〔賢首品〕第十二	〔世主妙嚴品〕第一 〔如來現相品〕第二 〔普賢三昧品〕第三 〔世界成就品〕第四 〔華藏世界品〕第五 〔毗盧遮那品〕第六	〔八十〕一 卷別
〔昇兜率天宮品〕第二十三 〔兜率宮中偈讚品〕第二十四 〔十迴向品〕第二十五	〔昇夜摩天宮品〕第十九 〔夜摩宮中偈讚品〕第二十 〔十行品〕第二十一 〔十無盡藏品〕第二十二	〔須彌頂上偈讚品〕第十四 〔十住品〕第十五 〔梵行品〕十六 〔初發心功德品〕第十七 〔明法品〕第十八	〔昇須彌山頂品〕十三 〔須彌頂上偈讚品〕第十四 〔十住品〕第十五 〔梵行品〕十六 〔初發心功德品〕第十七 〔明法品〕第十八	十二 十三 十三 十四 十五	六 七 八 一 十	註
二二十二 二二十三 二二三	二二十九 二二十一 二十	六六 六六 六六				
因果位六明遍番一第						

分成證依(4) 德入人、		分成進託(3) 行修法、					
周因證(5) 果入		周因成(4) 果行	果等③ 周因平				
			果	因	果別差		
逝九會 多林		普光明殿	八會				七會 光明殿
會末	會本			主為菩薩	普賢	主為會來	
普重示	主為善會友	主為如會來	普賢大行	門覺、等法妙覺			十地法門
證行人成				覺妙	覺等		
果法因		共一品 四十卷	共一品 三十一卷	共一品 七卷			
〔四十卷〕					〔六卷〕	〔六卷〕	〔六卷〕
十大願王	〔入法界品〕第三十九 「爾時文殊師利童子從善住樓閣 出一起」	〔入法界品〕第三十九	〔離世間品〕第三十八	〔如來出現品〕第三十七	〔普賢行品〕第三十六	五 〔佛不思議法品〕第三十三 〔如來十身相海品〕第三十四 〔如來隨好光明功德品〕第三十 〔壽量品〕第三十一 〔諸菩薩住處品〕第三十二	〔十定品〕第二十七 〔十通品〕第二十八 〔十忍品〕第二十九 〔阿僧祇品〕第三十 〔四十四〕 〔四十五〕 〔四十六〕 〔四十七〕
〔四十〕四十	〔八十〕六十一下八十 〔四三〕三十九	〔八十〕六十六 〔一三〕六十一上	五十三 五十九	五十九 五十一	四十九	四十八 四十六 四十七	四十五 四十四 四十五 四十六 四十七
果位明遍番第三		果位明遍番第二	因果位六明遍番第一				

製表人：慧律法師

日期：一九九七、十二



## 迴向偈

願以此功德  
莊嚴佛淨土  
上報四重恩  
下濟三塗苦  
若有見聞者  
悉發菩提心  
盡此一報身  
同生極樂國

## 大方廣佛華嚴經疏論纂要

• 倡印單位：財團法人文殊文教基金會

• 發行流通處：高雄文殊講堂

• 地址：高雄市前鎮區嘉陵街六號

• 電話：(07)3327833

• 地址：[www.wenshu.org.tw](http://www.wenshu.org.tw)

• 郵政劃撥：○四七八九八五一（林益謙）  
承印者：鴻順印刷文化事業股份有限公司

• 地址：高雄市三民區中峰街一九號

• 電話：(07)3162246

• 西元二〇一五年五月 恭印二〇〇〇本

• 歡迎助印



